



907

99 [учеб] 2596

М-23 Библиотека \$

Библиотека УИИС

150

596


УИИС \$

УИИС

ВОЗВРАТИТЕ КНИГУ НЕ ПОЗЖЕ

обозначенного здесь срока





Ֆ. ՊԱՌԻՍԷՆ

ԷՄՄԱՆՈՒԷԼ ԿԱՆՏ

(ԱՐՏԱՏՊՈՒԹԻՒՆ ԱՐԱՐԱՏԻՑ)



Փոխադրեց
ՄԵԼԻՈՆ ԶՐԻՑՉԵԱՆ



ՎԱՂԱՐՇԱԳԱՏ

Տպարան Մայր Աթոռոյ Ս. Էջմիածնի.

1904

125

7-23

Ֆ. ՊԱՌԻՍԵՆ

(195) շաբաթ
տոբոլսկայա

ԷՄՄԱՆՈՒԷԼ ԿԱՆՏ

33599

(ԱՐՏԱՏՊՈՒԹԻՒՆ ԱՐԱՐԱՏԻՑ)

Մ. Սարգսյան

— *Պ. Ա. Մ. Բաբայան*

Ի. Վ. Արամյան

Փոխադրեց
ՄԵԼԵՈՆ ԲՐԻՑՉԵԱՆ

Ի. Գ.

20.



Տպարան Մայր Աթոռ Ս. Էջմիածին



21x74

~~УВАЖАЮЩЕ
1952 г.~~

1049

Дозволено цензурою 10 Июня 1904 г. г. Тифлисъ.

~~УВАЖАЮЩЕ
1904 г.~~

ԷՄՄԱՆՈՒԷԼ ԿԱՆՏ¹

(Մանուան հարիւրամեակի առթիւ)

Էմանուէլ Կանտը ծնուել է 1724 թ. ապրիլի 22-ին Պրուսիայի Բեօնիգսբերգ քաղաքում:

Ինչպէս գերմանական ազգի մտաւոր-հոգևոր առաջնորդներից շատերը այնպէս էլ Կանտը հասարակ քաղաքացիական շրջանից է ծագում առել: Իսկ իբրև փիլիսոփայ նա երրորդն էր հասարակ արհեստաւոր դասակարգին պատկանող. առաջինը Մելանխտոնն էր, մի հրացանագործի զաւակ, երկրորդը Վօլֆը՝ կաշեգործի, իսկ Կանտի հայրը Յովհաննէս Գէորգ՝ աննշան կարողութեան տէր մի թամբագործ էր: Սոցա այս ծագումը շեշտուում է, որովհետև գերմանական փիլիսոփայութեան վրայ ունեցել է իւր ազդեցութիւնը: Ժէ և ժ՛՛ղ դարու գերմանական ու ֆրանսիական փիլիսոփաները մեծ մասամբ աշխարհիկ մարդիկ են եղել, բարձր հասարակութեան մէջ ապրող, անմիջապէս նորանով շրջապատուած, իսկ հեղինակութիւններն աւելի շուտ սալօնական գրոյցներ քան թէ փիլիսոփայութիւն: Գերմանական փիլիսոփաները պրոֆեսորներ էին: Սոցա գործունէութեան ասպարէզը—համալսարանն էր, գործելու միջոցը՝ դասախօսութիւն: Նոցա բնորոշ դիմն էր—հասարակ բուրժուա մտածողութիւնը, իսկ շարագրութիւնների, գրուածքների մէջ՝ իշխում էր դպրոցական հրահանգիչ ձևը: Այդ հասարակ բուրժուա մտածողութեան հետ սերտ կապ ունէր և նոցա վերաբերմունքը դէպի կրօնը: Կրօնի վրայ նորա նայում էին որպէս քաղաքական եկեղեցական ներկայացուցիչների զանազան հաշիւների ծառայող մի բանի վերայ, և կամ թէ չէ, որպէս գրական անձանց և ընթերցողների սրամտութեան առարկայի վրայ: Կրօնը եթէ նոցա համար մի հետաքրքրութիւն ներկայացնում էր, այդ էլ որպէս ազգերի կեանքի բնապատմական (Naturhistorisches) մի երևոյթ. բայց երբէք նոցա չէր պատահում յարա-

1) Փոխադրուած է գերմանացի պրոֆեսոր Պաուլսենի «Immanuel Kant, sein leben und seine Lehre» գրքի ռուսերէն փարգումնոթեան աւարտին մասից.

բերութիւն ունենալ այնպիսի մարդկանց հետ, որոնց համար կրօնը էական, կենսական մեծ նշանակութիւն ունենար:

Կանտն ընդհակառակը ծնունցաւ ու սնունցաւ այս վերջին կարգի մարդկանց շրջանում: Նորա ծնողները պատկանում էին այն ժամանակ մուտք գործած պիետիստական ուղղութեան, որ դէպի կրօնը ջերմ հետաքրքրութիւն էր զարթեցնում: Այս պիետիստ կոչուածների մէջ ջերմեռանդութեան զգացմունքը չափազանցութեան և նոյն իսկ հիւանդ դրութեան էր հասնում: Ինչպէս երևում է, առանձնապէս Կանտի մօր համար կրօնն ամենարուռն զգացմունք-մունքների կենտրոն էր: Նորա մասին, Կանտն իւր ամբողջ կեանքի ընթացքում քաղցր յիշողութիւններ էր պահել, իսկ երբէք չանհետացաւ նորանից այն գիտակցութիւնը, թէ ինչով էր երախտապարտ իւր հայրենական տան: Արդէն բաւականին ծերանալուց յետոյ, նա կրկին դառնում է պատանեկութիւնն ու երիտասարդութիւնը շրջապատող հանգամանքներին. նա գովում է այն բարոյական մթնոլորտը, որի մէջ սնունցաւ ինքը, իւր ծնողաց իրենց պարտականութիւններին հաւատարմութեամբ վերաբերուիլը, նոցա վերին աստիճանի բարեխղճութիւնն ու ջերմ բարեպաշտութիւնը: «Եթէ այն ժամանակ» ասաց մի վիճաբանութեան մէջ Կանտը, «կրօնական ըմբռնումներն ու գաղափարները, առաքինութիւնն ու բարեպաշտութիւնն այնքան պարզորոշ չէին, դժբա փոխարէն այդ յատկութիւններն իսկապէս գոյութիւն ունէին: Պիետիզմի մասին ինչ էլ որ ասեն, այնուամենայնիւ անուրանալի է այն, որ նորանով ներշնչուած, տոգորուած մարդիկ աչքի էին ընկնում իրենց պատկառելի բնաւորութեամբ: Նորա օժտուած էին մարդուն մատչելի ամենալսեմ բարեմասնութիւններով. այն պարզութեամբ, հոգեկան այն անդորրութեամբ, որոնց առաջ ամենաօտաստիկ կրքերն անգամ պաղում, հանդարտում են: Ոչ մի կարիք, ոչ մի հալածանք չէր ճնշում նոցա արամազրութիւնը, ոչ մի ընդհարում նոցա մէջ չէր յարուցանում բարկութիւն կամ թշնամութիւն. մի խօսքով ամենահասարակ դիտողի մէջ անգամ նոքա յարգանք էին զարթեցնում: Սա այժմ յիշում եմ, թէ ինչպէս միանգամ վէճ ծագեցաւ իրաւունքների համար թամբադործների և փոկազործների համարուեստախմբերի մէջ և որի մէջ սաստիկ տուժեց նմանապէս հայրս. սակայն չնայելով այդ վերջին հանգամանքին, այդ վէճի մասին տեղի ունեցող նոյնիսկ ներքին ընտանեկան խօսակցութիւններին մէջ ծնողներս այնպիսի վեհանձնութեամբ, այնպիսի անյիշաչարութեամբ էին խօսում իրենց հակառակորդների մասին, որ այդ յիշողութիւնը մտքիցս կրէք չի անհետացել, չնայելով, որ այն ժամանակ դեռ մանուկ էի»:

Ինչպէս երևում է Կանտի սրտին ամենից մօտիկ, ամենից թան-

կազմին՝ իր մայրն է եղել: Նորա մասին զովասանքով է խօսում, սակով, որ սա ընուլթիւնից օժտուած էր խոհականութեամբ և խորը կրօնականութեամբ: Գլխաւորապէս մայրն է եղել Կանախն կրթութիւն ստանալու հնարաւորութիւն տուողը: Նա ջերմ յարգող էր և ունկնդիր քարոզիչ Շուլցին: Այս պատուական անձնաւորութիւնը, որ իւր պիւտաբանական ջերմեռանդութիւնը միացրել էր զիտական փիլիսոփայական կրթութեան հետ, համալսարանի պրոֆեսոր էր և Յրիդրիսեան կոլլեջի վերատեսուչ: Անձամբ ծանօթ լինելով Կանախ ծնողներին, նա ուշադրութիւն դարձրեց առանձին ընդունակութեամբ օժտուած մանկան վերայ, որին մայրը ընտանեկան աղօթքի ժամերին բերում էր իւր հետ: Շուլցը խորհուրդ տուեց սւաման տալ 1732 թ. ուլյամայ մանուկը դպրոց ընդունուեցաւ և յաճախում էր մինչև համալսարան մտնելը (1740 թ.): Այստեղից պիւտիզմով համեմուած կրօնական կրթութեան հետ լատինական լիզուի լայն ծանօթութիւն տարաւ, այնպէս որ Կանախ մինչև խոր ծերութիւն վարժ խօսում ու գրում էր լատիններէն և լատինական դասական հեղինակներից բերած ցիտատներով յաճախ համեմուած իւր գրուածքները:

1740 թ. աշնան Կանախը մտաւ Քեօնիզսբերգի համալսարանը: Մայրը չսկսաւ այդ օրը, 1737 թ. նա արդէն վախճանուել էր: Կանախ իւր պարապմունքները սկսեց ըստ ընդունուած սովորութեան փիլիսոփայական բաժնում, որը պահել էր միջնադարեան հոստատութիւնների հնաւանդ նշանակութիւնը. Սորա նպատակն էր լատինական լիզուի ու գրականութեան ծանօթութիւնն ընդլայնել, և նախապատրաստել ընդհանուր փիլիսոփայական դիտութիւններ անցնելով, բարձրագոյն բաժիններից մէկի մասնագիտութեան համար: Մի քանի խօսք աւելորդ չէր լինի այդ համալսարանի մասին, քանի որ այդ համալսարանն եղաւ Կանախի ամբողջ ազագոյն կեանքի շրջանակը: Անոր արաաքին և ներքին ամենհամառօտ նկարագրութիւնն էլ կարող է ցոյց տալ, թէ ինչ աւելի քան համեստ վիճակի մէջ էր այն ժամանակուայ համալսարանը: Բաւական է մի հայեացք ձգել Պրեզել գետի ափին. կառուցած համալսարանի հին շէնքի վերայ, որ այժմեան համալսարանների մօտ մի խրճիթ է միայն: Արտաքին այս համեմատութիւնը նշանակութիւն է ստանում այն պատճառով, որ միանգամայն համապատասխան է ներքին բովանդակութեան: Մեր յիշած ժամանակում աւանդուած էին հետեւեալ առարկաները. երրայական լիզու, յունարէն, տրամաբանութիւն, բնագանցագիտութիւն, գործնական փիլիսոփայութիւն, բնագիտութիւն, պօէզիա, ճարտասանութիւն և պատմութիւն. իսկ թէ դեռ որքան հեռու էին այս բոլորն էլ համալսարանական պարապմունքի առարկայ լինելուց, կարելի է եզրակացնել 1735 թ. ուսումնական

ձբագրի հետեւալ տողերից. «Պաշտօնակարգ (ОРДИНАРНЫЙ) պրոֆեսորը իւր հրատարակական դասախօսութիւններն այնպէս պէտք է կարգաւորէ, որ իւրաքանչիւր կիսամեակի ընթացքում կարողանայ մի դիտութիւն անցնել. այսինքն տրամաբանութիւնը—մի կիսամեակում, բարոյական փիլիսոփայութիւն—մի կիսամեակում, մաթեմատիկայի պրոֆեսորը իւրաքանչիւր տարի պէտք է անցնէր թուաբանութիւն, երկրաչափութիւն, եռանկիւնաչափութիւն և աստղաբաշխութիւն, որպէս զի ուսանողները և մասնաւանդ նոցանից աղքատները հնարաւորութիւն ունենան գոնէ մէկ կամ մէկ ու կէս տարուայ ընթացքում բոլոր հիմնական փիլիսոփայական գիտութիւններն անցնելու:

Այսպէս, նայելով համալսարանի դասընթացքի բովանդակութեան և եղանակին, տեսնում ենք, որ աւելի շուտ դպրոցի հետ դործ ունինք քան թէ համալսարանի:

Կանտի համալսարանում ուսանելու շրջանից արժանահաւատ տեղեկութիւններ քիչ են հասել մեզ: Պրոֆեսորներից ամենից աւելի նորան զբաւում էր Մարտին Կնուտցէն, որի դասախօսութիւններն ընդգրկում էին ամբողջ փիլիսոփայական առարկաներն, ամփոփելով իրենց մէջ նաև մաթեմատիկական և բնագիտութիւնը: Կանտը նրա հետ անձնական յարաբերութիւններ էլ ունէր: Նրա զբաղարանից գրքեր էր վերցնում, նրան է պարասկան բնագիտական, մաթեմատիկական և մասնաւանդ Նիւտօնի վարդաստեղութեան մասին ունեցած ծանօթութիւններով: Սրկար ժամանակ նորա հետաքրքրութեան կենտրոնն են կազմում մաթեմատիկական, բնագիտութիւնն ու տիեզերաբանութիւնը: Զայէտք է մոռանալ, որ այս գիտութիւններն այն ժամանակ փիլիսոփայութեան մասերն էին կազմում: Կարող էր պատահել, որ դպրոցում տիրող նախկին պիտիատիկ-դոգմատիկ կրօնական ուղղութեան դէմ առաջացած հակադրեցութիւնն էր պատճառը, որ Կանտն առանձին հակումն էր զգում դէպի մաթեմատիկական գիտութիւնները. այդ երևում է նաև ուրիշ նշաններից: Նմանապէս և չի կարող պատահական լինել այն հանգամանքը, որ լատինական հեղինակներից ամենից շատ Լուկրեցիասին էր սիրում: Սակայն հաւաստի յայտնի է, որ նա աստուածաբանական դասախօսութիւններ էր լսում իւր հին հովանաւոր Շուլցից, թէ արդեօք նա պատրաստում էր երբևիցէ հոգևոր կոչումն ընդունելու, այդ կտակածելի է, ինչպէս և կտակածելի է այն տեղեկութիւնը, թէ նա փորձել է քարոզել գիւղական եկեղեցիներում: Ասում են, որ նա օգնում էր իւր ընկերներին պարապմունքների մէջ, այդ արդէն հաւանական է, քանի որ տնտեսական այդ սուղ վիճակի մէջ նորակեանքն այդպիսով որոշ չափով կապահովուէր նւթականապէս: Թէ

որքան ժամանակ է լսել նա դասախօսութիւնները, որոշելը դժուար է. միայն ստոյգ է, որ 1746 թ. ամառնային կիսամեակում նա փիլիսոփայական բաժնին յանձնեց իւր «Gedanken von der wahren Schätzung der lebendigen Kräfte — «Մտքեր կենդանական ուժերի իսկական գնահատութեան մասին» աշխատութիւնը, որ և հէնց այն ժամանակ տպագրուեցաւ Այս առաջին աշխատութիւնը Գեկարտի և Լայբնիցի կենդանի ոյժերի մասին ունեցած վէճերի մանրամասն քննադատութիւնն էր և թէպէտ հարցը առաջ չի տանում, սակայն մի վկայական է երիտասարդ հեղինակի փիլիսոփայական բնագիտական հարցերի խորազննին հետազոտութեան և մտածողութեան ընթացքի ինքնուրոյնութեան: Կենդանի ինքնավստահութիւնը, դէպի՝ ոչխարի հօտի պէս մեծ անունների, հեղինակութիւնների յետևից գնացող մարդիկ տածած արհամարհանքը, դարձեալ ներկայացնում էին նորան իբրև մի մարդու, որ իւր մէջ ոյժ է զգում իւր ինքնուրոյն ճանապարհով ընթանալու:

Նոյն տարին 1746 թ. մարտի 24-ին մեռաւ Կանտի հայրը: Տոհմական այն ժամանակագրութեան մէջ, որ մայրը գրում էր մինչև իւր կիսանքի վերջը, Կանտը գրեց. «Թող Տէրը յաւիտենական խաղաղութիւն պարգևէ նրան, որին այնքան քիչ ուրախութիւն էր բաժին հանել այս աշխարհում: Ոկեղեցական գրքում թաղման մասին եղած ծանօթութեան վրայ աւելացրած է երկու հակիրճ և պերճախօս բառեր. «Անձայն» (այսինքն առանց յուղարկաւորութեան), «Աղքատ»: Նոյնը ասուել է նաև 9 տարի առաջ մօր թաղման մասին:

Աղքատութիւնը Կանտի երիտասարդութեան ուղեկիցն է եղել և հաւատարիմ էլ մնաց նորան ամբողջ տաս տարի: Համալսարանում ուսանելու շրջանի յաջորդ տարիներն անցկացրեց նախ իբրև դաստիարակ, մի աստիճան, որից սովորաբար անցնում էին աղքատ մարդիկ: Այդ մի քանի տարուայ դաստիարակութեան սլաշտօնն է միմիայն, որ խախտում է նորա գործունէութեան ասպարիզի միօրինակութիւնը, նմանապէս և այդ պաշտօնն է, որ նորան դուրս են բերում Քեննիլգսբերգ քաղաքի պարիսպներից, բայց ոչ երբէք հայրենի գաւառից, որի սահմաններից դուրս, ինչպէս երևում է նա երբէք ոտք չկոխեց: Այս ժամանակի մասին գրեթէ ոչինչ յայտնի չէ:

1755 թ. Կանտն իրաւունք ստացաւ Քեննիլգսբերգի համալսարանում դասախօսելու: Նոյն թուի ապրիլի 17-ին դիտնական աստիճան ստացաւ «De Igne» հեղինակութեան համար: Սեպտեմբերի 24-ին պաշտպանեց դիսերտացիան՝ «Principiorum primorum cogitationis metaphisicae nova dilucidatio»: Չմեռնային կիսամեակում սկսեց դասախօսութիւններն որպէս magister legens. այդ վիճակի մէջ նա 15 տարի մնաց: Նորա երկու անգամ գործ դրած ջանքը թափուր

մնացած ամբիոնը գրաւելու՝ անհետեանք մնաց, Երկրորդ անգամին նա դիմեց Սկատերիւնա Բ. կայսրուհուն, որովհետև Քեօնիզըսբերգը 1757 թուից մինչև խաղաղութեան դաշն կապելը գտնուում էր Ռուս կառավարութեան ձեռքին: Բանաստեղծութեան ամբիոնից, որ 1754 թ. ազատ էր մնացել և առաջարկուել Բերլինից, Կանտն ինքը հրաժարուեցաւ: 1766 թ. իւր իսկ խնդրանօք արքունի կրտսեր գրադարանապետի պաշտօն ստացաւ 62 տարեւ ռոճիկով:

Սակայն չպէտք է Կանտի այս շրջանի տարիները շատ էլ ծանր երևակայել. Պրիվատ դոցենտի դրութիւնն այն ժամանակ շատ ակելի ազատ ու նպաստաւոր հանգամանքների մէջ էր դրուած, քան այժմ է. որովհետև պրոֆեսորի պաշտօնը շատ ակելի պակաս պաշտօնական բնաւորութիւն ունէր: Ճիշտ է նիւթականապէս ակելի պակաս էին ապահովուած, այն ժամանակ պրոֆեսորը ակելի չէր քան մի ուսուցիչ, որ լսարանական բաժնի կազմի մէջ էր մտնում և համալսարանի գումարից փոքրիկ ռոճիկ ստանում. սակայն մինչև անգամ պաշտօնակարգ (ординарный) պրոֆեսորը, բացի պարտաւորեալ դասախօսութիւններից, որոնց համար ռոճիկ էր ստանում, դասախօսում էր և իւր ցանկացած բոլոր առարկաներից: Այսպիսի դասախօսութիւնների համար վարձատրութիւն ստանալը միանգամայն պրոֆեսորի մասնաւոր դործն էր, և կազմում էր սովորաբար նոցա արդիւնքի կարևոր մասը: Այսպիսով ոչինչ չէր արգելում, որ յաջողութիւն ունեցած որ և է մի պրիվատ դոցենտ ակելի շատ ունկընդիւրներ գրուէր և ստանար ակելի շատ արդիւնք՝ քան զուտ պաշտօնակարգ պրոֆեսորը: Կանտի այս կարգի դասախօսութիւնները շուտով մեծ հռչակ ընծայեցին նորան. և այդ հռչակն ունկընդիւրների մեծ բազմութիւն էր ժողովում նորա շուրջը ոչ միայն բուն ուսանողներից այլ և բազմաթիւ հասարակական դիրք ունեցող անձնաւորութիւններից:

Որովհետև Կանտը գիտական-փիլիսոփայական գործունէութեամբ հանդերձ մեծ ծառայութիւն է մատուցել առանձնապէս թէ իւր հայրենիքին՝ Գերմանիային և թէ ընդհանրապէս մարդկութեան գործունէութեան մի այլ ասպարիզով, այն է ուսուցչութեամբ, ուստի ակելորդ չէր լինի այստեղ մի քիչ ակելի կանգ առնել նորա գործունէութեան այդ կողմի վրայ:

Փառասուն տարուց ակելի Կանտը որպէս համալսարանի դասախօս մեծ հաւատարմութեամբ ծառայեց իւր հայրենիքին: Այդ գործունէութեամբ նա մեծ ազգեցութիւն է ունեցել երկրի առաջնորդող շրջանների աշխարհայեցողութեան վրայ: Հին Պրուսիայի և անոր կից արևելեան լաւառների գրեթէ բոլոր աստիճանաւոր պաշտօնեաներն ու հոգևորականները, ուսուցիչներն ու բժիշկները

նորա դպրոցսին էին անցնում: Գերմանիայի մի ծայրն ընկած փոքր համալսարանը նորա շնորհիւ գերմանական բարձրագոյն ուսումնական հիմնարկութիւնների շարքում առաջնակարգ դիրք գրուեց:

Կանախ դասախօսութիւններն ընդգրկում էին իրենց մէջ ամբողջ փիլիսոփայութիւնը՝ այդ բառի հին իմաստով, որով հասկացում էր տեսական բոլոր դիտութիւնների ամբողջութիւնը: Այդ ամբողջութիւնից դուրս գտնուում էին միայն պատմաբանական գիտութիւնները. այդ մասին աւելի ճիշտ գաղափար կարող է տալ դասախօսուող առարկաների հետեւեալ ցուցակը. — տրամաբանութիւն, բնագանցագիտութիւն (МЕТАՓԻԶԻԿԱ), բարոյական փիլիսոփայութիւն, բնական իրաւունք, փիլիսոփայութեան հանրագիտութիւն, (ЭНЦИКЛОПЕДИЯ) բնական աստուածաբանութիւն, մանկավարժութիւն, մարդտրանսպորտութիւն, Ֆիզիքական աշխարհագրութիւն, տեսական բնագիտութիւն, մաթեմատիկայ, մեքենայագիտութիւն, հանքաբանութիւն: Այս բոլորից նա դասախօսութիւններ արել է: Իսկ մըշտական դասախօսութեան առարկայ եղել են՝ տրամաբանութիւն, բնագանցագիտութիւն և բնական աշխարհագրութիւն ու մշտական գրադմուսքի նիւթ են մատակարարել մանկավարժութիւնն ու բարոյագիտութիւնը:

Դառնանք այժմ նրա դասախօսութիւնների նախ արտաքին — ապա յերրին եղանակներին: Արտաքինն երկու եղանակ ունի. այն է — զուտ դասախօսութիւն և ապա զործնական վարժութիւն: Պաշտօնակարգ ոլորտները լինելուց յետոյ, նա պարտադիր դասախօսութիւններին միշտ կցում էր և այդ զործնական վարժութիւնները, որոնց մասին ճիշտ ոչինչ յայտնի չէ, սակայն ինչպէս երևում է, սոքա մի տեսակ դիտական վիճաբանութիւններ (ДИСПУТЬ) են եղել: 1758 թ. իւր դասախօսութիւնների մասին արած յայտարարութիւններից մէկով նա հաղորդում է, որ նախընթաց օրերում շարադրուած դրութիւնները (Satz) վիճաբանական եղանակով կզննէ՞ և այդ եղանակը նա համարում է ամենանպատակայարմարը հաստատուն սկզբունքներ ստանալու համար:

Ինչ դասաւանդութեան ներքին եղանակին է վերաբերում՝ այդ ոչ թէ սխոլաստիկ-դոգմատիկ բնաւորութիւն է ունեցել, այլ սովորատեան-քննադատական: Առաջին ուղղութեան ամենաէական կողմն այն է, որ նա ընդունուած, որոշ տեսակետով նայուած ու հասկացուած, թէ գիտական և թէ փիլիսոփայական — բարոյական դրութիւններ նոյնութեամբ տալիս է ունկնդիրներին որպէս պատրաստի, վերջակետի հասած ճշմարտութիւններ և պարտադիր անու՛մ նոյնութեամբ էլ սովորելու ճատ պարզ է, որ նոյն բանը չէ աչակերտին ուղղակի սովորեցնել, թէ երբ որ և է տարածութիւն ուղիղ գծերով

չըջափակուում է ամեն կողմից, այդ շրջափակող գծերի թիւը առ-
 նուգն երեք պիտի լինի, և նոյն բանը չէ, երբ աշակերտին ամեն
 կողմից շրջափակուած տարածութիւն են դժել տալիս և նա ինքն է
 այդ եզրակացութեան զայլուս Առաջին դէպքում նորա մտքը չգոր-
 ծեց, այլ ուրիշ մտքի գործունէութեան հետեանքը սրպէս մի բև
 առաւ իւր վրայ և հեշտութեամբ էլ կձգէ, կմոռանայ, իսկ երկրորդ
 դէպքում՝ ընդհակառակը՝ իւր իսկ ուղեղը ջանք է գործ գնում և
 հետեանքն այն է լինում, որ ուղեղի վրայ քանդակում, տպա-
 ւորում է անջինջ կերպով: Կանտը ահա վերջնական հարուածը տուաւ
 սխոյաստիկ զօղմատիկ ուղղութեան իր ամբողջ ուսուցչական գոր-
 ծունէութեամբ: Նորա դասախօսութիւնների նպատակը չէ պատ-
 րաստի փրկաստիայական վարդապետութիւն տալը, այլ ունկնդրին
 ինքնուրոյն մտածութեան զրդել, նորանոր մտքեր որոնել տալ և
 զարդայնել: Կանտը սկզբից և եթ արդող դոգմատիկ ուղղութեան
 հակառակորդ լինելով՝ ասումէ. — «փիլիսոփայութիւնն ընդհանրապէս
 չի կարելի սովորել այնպէս, ինչպէս սովորում ենք մաթեմատիկան,
 բնագիտութիւնը, պատմութիւնը, սակայն կարելի է սովորել փիլի-
 սոփայութիւն անել: Փիլիսոփայութիւն չի կարելի սովորել այն
 պատճառով, որ նա սրպէս պատրաստի ճանաչուած գիտութիւն՝
 դոյու թիւն չունի. իւրաքանչիւր փիլիսոփայ իւր համակարգու-
 թիւնը, վարդապետութիւնը հիմնում է նախորդի բեկորների վերայ.
 բայց դեռ չի ստեղծուել մի համակարգութիւն, որ իւր ամբողջ
 մասերով մնար: Փիլիսոփայութիւնը չի կարելի սովորել, որովհետև
 նա չկայ, բայց եթէ լինէր էլ, չէր կարելի սովորել, որովհետև «սո-
 վորովի» (Завчтоб) փիլիսոփայութիւնը կզաղարէր այլ ևս փիլիսո-
 փայութիւն լինելուց և կզառնար մի պատմական՝ բայց ոչ երբէք
 փիլիսոփայական գիտութիւն»:

Այս խօսքերի մէջ «Լուսաւորութեան դարու»*) սգին է նկատուում:
 Աշակերտին անչափահաս դրութիւնից հանել և բարձրացնելով՝ սեփա-
 կան հետազօտութիւնների վրայ հիմնուած ինքնուրոյն դատողու-

* «Լուսաւորութեան դար» (Zeitalter der Aufklärung) կոչում է
 ժվ. դարը, շնորհիւ իւր առաջացած մտաւոր մեծ շարժման: Այդ մտաւոր
 շարժման հետ սերս կապուած են Երանսիացի ժշանաւոր հեղինակ փիլիսոփայ
 Ժան-ժակ Ռուսսօի, գերմանացի բանաստեղծ Լեսսինգի եւ իւր՝ Կանտի ա-
 նունները: Կանտն աշխատել եւ առանձնապէս որոշել էր թէ կ'ըշանակուի
 իւր դարու այդ «Լուսաւորութեան» մակդիրը եւ եկել այն եզրակացութեան,
 որ այդ նոյն էր սակ էին մտաւորութեան դարը: Մ. Բ.

թիւնները յօրինել տալը—համալսարանական դասաւանդման նպատա-
 քակեան է: Իսկ աշակերտին ինչպէս պէտք է սովորեցնել փիլիսոփա-
 յութիւն անել, այդ հարցին Կանաք պատասխանում է. «վարժու-
 թիւնները և բանականութեան ինքնուրոյն գործունէութեան միջո-
 ցաւ Այդ վարժութիւններին հիւթ են ապրիս մի կողմից բնական և
 պատմական իրողութիւնները (Thatsachen) և միւս կողմից այդ երե-
 ւոյթների փիլիսոփայօրէն բացատրելու ջանքերը: Կանտն իւր աշա-
 կերաներին երկու ճանապարհով է տանում և նա ամենից առաջ
 աշխատում է նոցա այդպիսի փաստեր մատակարարել կամ նոցա այդ
 փաստերին մօտեցնել: Այդ է Ֆիզիքական աշխարհագրութեան և
 մարդաբանութեան դերը, որոնց նա ահագին նշանակութիւն է տա-
 լիս: «Ենթակին փիլիսոփայական դասաւանդութեան սխալն այն էր,
 ասում է նա 1765 թ. իւր դասախօսութիւնների մասին արած մի
 յայտարարութեան մէջ, որ նա երիտասարդութեան շատ վաղ էր սո-
 վերեցնում իմաստակերտ՝ նախ քան վերջնիս պատմական բաւակա-
 նաչափ դիտելիքներ՝ ձեռք բերելը, նախ քան վարժութիւններով նորա
 միտքը զարդացնելը ծանօթացնում էին նորան ընդհանուր գաղա-
 փարները հետ. այստեղից էլ ծագում են նախ դայրոցական այնպիսի
 տեղական նախապաշարումներ, որ շատ անգամ աւելի բիրտ ու յա-
 մաւ են լինում՝ քան աւօրեայ մուրութիւնները, ապա կանխահաս
 մտածողների շաղակրատութիւնը, որ աւելի կոյր է լինում քան անձ-
 նապաստանութեան մի ուրիշ տեսակ և աւելի անբուժելի՝ քան տգի-
 տութիւնն էս: Այդ չարիքի հետ կուռելու համար նա բնազանցա-
 գիտութիւնից առաջ փորձական հոգեբանութեան ու մարդաբա-
 նութեան դասախօսութիւններ է անում. նմանապէս առաքինու-
 թեան մասին խօսելիս նա նախ շարադրում է այն, ինչ որ լինում է
 և ապա այն՝ ինչ որ պէտք է լինի: Վերջապէս նորա Ֆիզիքական
 աշխարհագրութեան դասախօսութիւններն առաջին մասում ունկն-
 դիրներին երկրի ներկայ կազմութեան են ծանօթացնում, երկրորդ
 մասում—մարդուն իւր բնական նախնական վիճակին, երրորդ մա-
 սում—պետութիւնների և ազգերի կազմակերպութեան և այսպիսով
 ունկնդրին հաճելի և ուսանելի դիտելիքների պաշար են մատակա-
 րարում:

Կանաք իւր ունկնդիրներին ուրիշ ճանապարհով էլ էր առաջ
 տանում. այդ ճանապարհը փիլիսոփայութեան սլատմութիւնն է: Իւր
 դասախօսութիւնների ներածութեան մէջ նա սովորութիւն ունէր
 մի սլատմական ակնարկ նուիրելու ինչպէս առանձին առանձին հար-
 ցերի, նոյնպէս և իւր նախորդների վարդապետութեան: Մի պատ-
 մական ակնարկ էր ընծայում փիլիսոփայութեան, նաև հանրագի-
 տութեան ու տրամաբանութեան մէջ:

2

3

Հերցին դրած մի նամակում Կանտն աւելի է շեշտում այն միտքը, թէ իր նպատակը չէ «արհեստաւոր փիլիսոփաներ» պատրաստել, «այլ հիմնական դրութիւնների վրայ հիմնուած համոզմունքներ տարածել ու ամրապնդել մարդկանց մէջ և այդպիսով զարգացող տաղանդներին միակ նպատակայտարմար ուղղութիւնը տալ: Կանտն այդ սկզբունքով առաջնորդուեցաւ ամբողջ յիշեալ 40 տարուայ ուսուցչական գործունէութեան ընթացքում, և այդ սկզբունքը շատ արդիւնաւոր հանդիսացաւ նորա հայրենիքի համար. իսկ որ Գերմանիան այն ժամանակներից սկսած փիլիսոփայութեան նոր հայրենիք զարձակ, դորա պատճառների մէջ երբէք չպէտք է մոռանալ Կանտին իւր ուսուցչական գործունէութեամբ:

Գիտական գործունէութեան սկզբում Կանտի փիլիսոփայական հետաքրքրութիւնն ըստ ամենայնի դէպի արտաքին աշխարհն էր ուղղուած, ինչպէս կարելի է հղրակացնել այդ նորա հեղինակութիւններից և դասախօսութիւններից: Իւր դասախօսութիւնների մէջ լացի տրամաբանութիւնից և բնագանցադիտութիւնից, որ նորա թրագրի կարևոր մասն էին կազմում, մտքիւ էր մատեմատիկան ու բնագիտութիւնը: Շուտով դոցա հետ հաւասար նշանակութիւն ստացաւ նաև ֆիզիքական աշխարհագրութիւնը, որ առաջին անգամ Կանտը մտքրեց համալսարանական դասաւանդութեան մէջ: Այս աւարկան մեծ հետաքրքրութիւն առաջացրեց նոյն իսկ ուսանողական շրջանից դուրս: Այս դասախօսութիւնների մէջ էր ամփոփում նա ամենահետաքրքրական և թանկագին տեղեկութիւնները բնութեան և մարդու մասին, այնպէս որ այդ տեղեկութիւնները, որպէս իւր տեսակի ուղևորութիւններ դէպի աշխարհի բոլոր կողմերը, կարող են մի տեսակ նախարան համարուել այն ժամանակ սովորական դարձած կրթական ճանապարհորդութիւնների, կամ մինչև անգամ փոխարինել նոցա:

Բացի մի քանի բնական աշխարհագրական յօդուածներից, տիեզերաբանական պարապմունքների արդիւնք է և կարևոր նորա գրական գործունէութեան համար 1775 թ. լոյս տեսած շարագրութիւնը—«Ընդհանուր բնական պատմութիւն եւ երկնքի տեսութիւն կամ քիեզերքի կազմութեան եւ մեքենայական ծագման բացատրութիւն հիմնուած Նիւտոնի սկզբունքների հիման վերայ»: Այս շարագրութիւնը նուիրուած էր Ֆրիդրիխ Բ. կայսեր և լոյս տեսաւ առանց հեղինակի անուան: Մասամբ հրատարակչի սնանկացման պատճառով սկզբներում աննկատելի մնաց գրեթէ, և ուշ միայն արժանացաւ պատշաճաւոր ուշադրութեան: Որ Կանտը ինքն իւր այս հեղինակութեան մեծ նշանակութիւն է տուել, երևում է այն հանգամանքից որ նա երկու անգամ անոր ըովանդակութեան գլխաւոր մասերը

քաղուածօրէն կրկնել է: Այս հեղինակութեամբ Կանաք նպատակ է ունեցել ծագումաբանօրէն (genetisch) տիեզերքի և առանձնապէս մեր մոլորակային համակարգութեան կազմութիւնը բացատրել զուտ բնագիտական սկզբունքներով: Կանաք սկսում է հէնց այն կէտից, որի վերայ կանգ էր առել Նիւտօնը՝ համակարգութեան կարգաւորութիւնը Աստծուն վերագրելով: Կանաք ցոյց է տալիս, թէ ինչպէս են ծագում և չքանում յաւիտենական շրջանառութեան մէջ (Kreislauf, круговоротъ) տիեզերական համակարգութիւնները շնորհիւ բնական ուժերի ներքին (imamente) գործունէութեան և Նիւտօնի հակառակ դալիս է այն եզրակացութեան, որ այս բոլորը բացատրելու համար անհրաժեշտ չէ Աստուծոյ մատը և ոչ էլ կարևոր: Բոլորովին իրաւացի են առարկութիւններ այն բաւականին տարածուած կարծիքի դէմ, թէ Կանաքի հայեացքները մօտ են Լապլասի աւելի ուշ ժամանակ տուած տեսութեան, որի համաձայն մոլորակները առաջ են դալիս՝ բաժանուելով կենտրոնական մարմնից, վերջինս սղմուելու ժամանակ: Կանաք յամենայն դէպս մօտ է մնում տիեզերքի ծագման վերաբերեալ հին տեսութիւններին (Լուկրեցիան նորան շատ ծանօթ մի հեղինակ էր), միայն այն տարբերութեամբ, որ Կանաք իւր հայեացքների հիմքում զետեղում է Նիւտօնի ձգողականութեան օրէնքը և արդի աստղաբաշխութիւնը: Ընդհանրապէս զովաստեցի արժանի է ոչ այնքան նորա հետազօտութեան ճշտութիւնը, որքան կենդանի, թափանցող, նոյն իսկ Փանասատիկ գուշակութիւնների հասնող երևակայութեան այն ուժը, որով նա հաւանապատում ենթադրութիւններ է անում, հիպօթեզներ տալիս տիեզերաբանական գործողութիւնների նկատմամբ:

Աւշագրութեան արժանի է նորա այդ հեղինակութեան նախարանում արտայայտած կարծիքը բնական գիտութիւնների և կրօնի յարաբերութեան մասին: Կրօնը ոչ մի կարիք չունի բնութեան երկւոյթների միջնայական բացատրման սահման դնելու, և հէնց այդ զուտ մեքենայական բացատրութեան հնարաւորութիւնն ապացոյց է բնութեան բոլոր տարրերի նպատակայարմարութեան: Ընդհակառակը նա զգուշացնում է ամեն մի առանձին երևոյթ Աստուծոյ մասնակի նպատակներով բացատրելուց, որովհետև այդ միայն շեղումիւմ փիլիսոփայութեան սիրած միջոցներից մէկն է՝ բուժ տգիտութիւնը բարեպաշտութեան գիմակի տակ ծածկելու համար: Այդ միջոցն ի վնաս հաւատի է ծառայում, որովհետև երևոյթի առաջիկայ բնական բացատրութիւնը նպաստում է բնագէտի յաղթանակելուն:

Այստեղ արդէն մի ակնարկ է ամփոփուած այն գաղափարի մասին, որ համակարգօրէն (систематически) զարգացել է քննադատական փիլիսոփայութեան մէջ. այն է բնագիտութիւնը և կրօ-

նական հաւատք միանգամայն անտարբեր են միմեանց նկատմամբ, ուստի և պէտք է կատարելապէս անջատուին միմեանցից: Այդ երկուսի շփոթելը բնագիտա-աստուածաբանութեան (ֆիզիկոտեոլոգիա) մէջ հաւատարապէս կորստարեր նշանակութիւն ունի, ինչպէս գիտութեան՝ այնպէս էլ հաւատոյ համար: Թէ ինչ բարիք էր մատուցանում սորանով Կանտը ժամանակակիցներին, կարելի է հասկանալ կրօնի և գիտութեան միմեանց վերաբերմամբ բռնած թշնամական դիրքին աւելի մօտիկ ծանօթանալուց յետոյ: Պատմական հին շրջաններէն սկսած կրօնը ձգտում էր բնութեան ամենասոսնչան երեւոյթից սկսած մինչև տիեզերաբանական ամենամեծ երևոյթը՝ իւր սկզբունքներով բացատրելու: Կրօնից քիչ յետոյ հանդէս եկաւ գիտութիւնը և որոշ յաջողութիւններ ունենալուց յետոյ, սկսեց ամեն ինչ իւր սկզբունքներով բացատրել և բացարձակ կերպով պահանջել կրօնի և հաւատոյ ոչնչացումը, մինչդեռ սիրտը չէր կարող հրաժարուել հաւատից, մանաւանդ որ պիեթիզմը ըստ ամենայնի նպատակ էր գերմանական սրտերում կրօնի խորը արմատաւորման: Կանտը հանեց նոցա այս անելանելի վիճակից իւր այն միանգամայն նոր փիլիսոփայական տեսութեամբ, թէ կայ զգայական աշխարհ, կայ նաև գերզգայական աշխարհ. մարդս օժտուած է այլ երկու աշխարհին էլ հասու լինելու կարողութեամբ, սակայն իւրաքանչիւրին իրեն յատուկ միջոցներով. չպէտք է շփոթել ոչ այդ երկու տարբեր աշխարհները, որոնցից մէկը մեռիին չի խանգարում, և ոչ էլ այդ աշխարհները ըմբռնելի կացուցանելու միջոցները: Այսպիսով Կանտն արտաքսեց կրօնը գիտութեան միջից և գիտութիւնը կրօնի-միջից: Հազարաւոր սրտեր լցուեցան ջերմ երախտագիտական զգացմունքով դէպի Կանտը՝ նորա մատուցած այս ծուռայութեան համար: Կանտի փիլիսոփայութիւնը նոցա այժմ հնարաւորութիւն էր տալիս թէ ջերմ հաւատացող լինելու և թէ կորովամիտ գիտնական: Սակայն այս ուղղութիւնը մասամբ հակառակ հետեանք էլ ունեցաւ: Մինչև այդ ժամանակ արդող երկու հակառակ կողմից էլ նա մտադրուեցաւ ուրացութեան մէջ. մէկը նորան կրօնական սկզբունքների դաւաճան էր համարում, միւսը գիտութեան. իսկ որ առանձնապէս խիստ և նեղ հաւատացող մարդկանց այս վարդապետութիւնը երկիւղ էր պտտճառում, այդ երևում է Կանտի և իւր հին ուսուցիչ ու յովանաւոր Շուլցի մէջ տեղի ունեցած հետեւեալ դիպուածից. Շուլցը նախ քան թափուր մնացած ամբիոնի համար միջնորդելը, կանչեց նորան իւր մօտ և հետեւեալ խօսքերով դիմաւորեց. «Վախենում էք դուք Աստուծուց թէ ոչ» միայն Կանտի դրական պատասխանից յետոյ միջնորդեց նորա համար:

Վաթսուենական թրուականներից Կանտի մտածողութեան մէջ

նկատելի յեղաշրջում է տեղի ունենում, որ կարելի է և Սոկրատեան անուանել:

Ներքին աշխարհը — մարդաբանական-բարոյագիտական հարցերի շրջանը առաջնակարգ տեղ է գրաւում նորա մտածողութեան մէջ ի վնաս մաթեմատիկական-բնագիտականի և սխոլաստիկ բնագանցականի: Այս շրջանում Կանտի իւր անձնական զարգացումը կախումն ունի դարու ընդհանուր յառաջադիմութիւնից: Այդ այն ժամանակն էր, երբ գերմանական ազգի ոգին, երկարատև լատարգիական քնից զարթնած, զարմանալի արագութեամբ վերածնւում էր մի նոր հարուստ կեանքի համար. այդ ժամանակ սկսեց իւր գործունէութիւնը Լեսսինգը: Որպէս հնացած գիտութիւն, սխոլաստիկ սասուածարան և բնագանցագէտ դոգմատիկները վէճեցը արհամարհանքի էին երթարկում: Ազատուելով սխոլաստիկ մեկնաբարանութիւնների զպրոցական սլատեանից և օգտուելով գերմանական լեզուից, փիլիսոփայութիւնը ձգտում էր ընդհանուր ուսման վրայ ազդեցութիւն ձեռք բերելու: Սկսում է ազգի հասարակական կեանքը կազմակերպուիլ. Ֆրիդրիխի և Յոլմսէփի դարում՝ դէպի նոր գեղեցիկ գրականութիւնը տածած հետաքրքրութեան հետ՝ սկսում է նաև կրթուած դասակարգերի մէջ քաղաքական ինքնագիտակցութիւնը զարթնել: Այս բոլորի վերայ աւելանում է և այն, որ արևմուտքից նորանոր հովեր են մուտք գործում. անգլիական փիլիսոփայութիւնն ու գրականութիւնը ազդեցութիւն են ձեռք բերում. ամենից աւելի կարգացում է Շէֆսթերի, ապա Իւմ և ամենից առաջ նորա «Փորձերը» որ մի գրուածք է հոգուն վերաբերեալ գիտութեան մասին: Իրանսիացի հեղինակներից Վոլտերի հետ միասին առաջնակարգ նշանակութիւն են ստանում Մօնտեսքիւօ և Ռուսսօն:

Բոլոր այս ազդեցութիւններին անարգել կերպով ենթարկուեցաւ Կանտը, որ բարեբախտաբար երկարատև երիտասարդութիւն ու զարգացման ընդարձակ շրջան էր վայելում: Ամենազօրեղ և անմիջական կերպով նորա զգացմունքների մէջ յուզումն առաջացրին Ռուսսօյի գրուածքները: Մի յօդուածի մէջ (Fragmente aus dem Nachlass), Նա հետևեալ կերպով արտայայտեց այդ յեղաշրջումը, որ առաջացրել էր նորա մէջ Ռուսսօն. «Նա իմ անձնական հակումների շնորհիւ հետադասող եմ: Նա զգում եմ գիտութեան ծարաւ և բուռն ձգտում առաջ գնալու անոր սահմաններում: Կար ժամանակ, երբ ևս կարծում էի թէ իմ այդ գործունէութիւնը պատիւ է բերում մարդկութեան և արհամարհում էի խուժանը, որ ոչինչ չգիտէր այդ գործունէութեան մասին: Ռուսսօն ինձ ուղիղ ճանապարհի բերեց: Այդ կարծեցեալ առաւելութիւնը կորցրեց իւր արժէքն իմ աչքին: Նա սովորեցի յարգել մարդկանց և աւելի անօգ-

տակար կհամարէի ինձ քան հասարակ մշակը, եթէ չհաւատայի, որ իմ այդ հետազօտութիւնները կարող են արժէք ընծայել բոլոր մնացեալներին և մարդկութեան իրաւունքները վերսկանգնել:

Իմացութեան մի նոր գնահատութիւն, ճանաչողութիւն է այս, որով Կանտը պարտական է զգում Ռուսոյին: Գիտութիւնն ու մտահայեցողութիւնը (Speculation) անպայման արժանաւորութիւններ չեն, որովհետև դեռ ինքնըստինքեան նպատակ չեն անոնք, այլ միջոց մի բարձրագոյն նպատակի հասնելու համար: Առանձին անհատի և ամբողջ մարդկութեան արժանիքները գնահատելիս Կանտը բարոյական կողմին միշտ առաւելութիւն է տալիս մտաւորից, (ИНТЕЛЛЕКТУАЛЬНЫЙ) և այդ կազմում է ամբողջ նորա ապագայ աշխարհայեցողութեան հիմքը: Այսպիսով նորա փիլիսոփայութիւնը նոր նշանակութիւն է ստանում, այսինքն նպատակ է դնում, մասնագիտութիւնները դէպի մարդկութեան՝ այդ վսեմ նպատակն ուղղելու, և մարդուն գիտական մեծամտութեան մէջ ընկնելուց պահելու: Այստեղից արդէն բարոյական-մարդաբանական հարցասիրութիւնը (ИНТЕРЕСЫ), սկսում է նրա մէջ կենդրոնական տեղ բռնել, բնագանցագիտական և տիեզերաբանական աշխարհայեցողութեան հետ համեմատած: Այդ ուղղութեամբ խորհելու հողի վրայ զարգացաւ քրննադատական փիլիսոփայութիւնը: Սորա նպատակն է վճռական կերպով վերջ տալ «մեսեոբիկ» մտահայեցողութիւններին և ղ բարձրացնելով բարոյականութիւնը, աշխարհայեցողութեան մէջ առաջնորդող դեր տալ անոր: Այս յեղաշրջումը արտայայտուած է Կանտի վաթսու նական թուականների գրուածքների մէջ:

Այստեղ աւելորդ չէր լինի տալ Կանտի մասին մի նկարագիր, որ նորա գործունէութեան և ուժերի կատարեալ զարգացման այս շրջանին է պատկանում և որ տալիս է Կանտի երկրպագունների թուին պատկանող Հերդերը: «Սա հրճուած էի փիլիսոփայի հետ ծանօթ լինելու բախտով, որ իմ ուսուցիչն էր: Իւր կեանքի ծաղկեալ շրջանում նա աչքի էր ընկնում երիտասարդական մի գուարթ աշխուժութեամբ, որ լիայոյս եմ անբաժան կլինէր նրանից նաև ծերութեան օրերում: Նորա բաց, կարծես մտածողութեան համար ստեղծուած ճակատը փայլում էր մի անջինջ պայծառութեամբ և զուարթութեամբ. մտքերով հարուստ վերին աստիճանի հետաքրքրական միտքը հոսում էր. նորա շրթունքներից, կատակներն ու սրախօսութիւնները հոգեկան լաւ տրամադրութիւնը երբէք չէին բացակայում: Նոյն ուշիմութեամբ, որով նա ուսումնասիրում էր Լայբնից, Բառուգարտէն, Կրուզիուս, Իւմ և քննադատում Նիւտօնին, Կեպլերի և բնագէտների բնութեան վերաբերեալ օրէնքները, նոյն ուշիմութեամբ վերաբերում էր նա այն ժամանակ ասպարէզ

իջած Ռուսոսյին, նորա «Էմիրին» և «Էլօիդին» և նմանապէս բնական գիտութիւնները շրջանում կատարուած գիւտերին: Ազգերի պատմութիւնը, բնագիտութիւնը, մաթեմատիկան և փորձը այն ազգիւրներն էին, որոնցով նա կենդանութիւն էր տալիս իւր խօսքին: Ոչ մի գիտեհալու արժանի բանի նա անտարբեր չէր վերաբերուած: Ոչ մի ժամանակ ոչ մի կանխակալ միտք, կուսակցական հաշիւ, նախապաշարմունք, փառասիրութիւն չէին խանգարում նրան ընդլայնելու և լուսարանելու ճշմարտութիւնը: Նա խրախուսուած և դրդուած էր ինքնուրոյն մտածութեան, բռնանալ ասած բանը միտնդամայն խորթ էր նրա հոգուն: Այդ մարդը, որին ես յիշում եմ երախտագիտական զգացմունքով և խորը յարգանքով, վերջացնում է Հերդերը, էմմանուէլ Կանտն էր. առանձին բաւականութեամբ եմ վերակենդանացնում յիշողութեանս մէջ նորա պատկերը:

1770 թ. Կանտը ստացաւ արամաքանութեան և բնագանցագիտութեան ազատ մնացած ամբիոնը, իսկ դրանից քիչ առաջ նա հրուէր էր ստացել Սնայից և Էրլանգենից: Բացի դրանից վաղուց արդէն նա վայելում էր կառավարութեան յարգանքը. այդ առանձնապէս հրեւում է 1767 թ. հրովարտակից, որի մէջ գովասանքով է յիշուած նա, մինչդեռ դրանից մի տարի առաջ վատ նկատողութիւն էր արուած պրոֆեսորներին: Կառավարութեան տեսլով՝ նոքա շատ քիչ են աշխատում բարեխիղճ լինելու իրենց պարտականութիւնների նկատմամբ:

Առանձին յարգանք էր վայելում Կանտը ժողովրդական լուսաւորութեան նախիկին մինիստր Յեդլիցից: Այս պատուական մարդը, որ իւր կոչումը ի կատար ածելու հազուադէպ ընդունակութիւն ունէր, շնորհիւ ստացած նուրբ ու հիմնաւոր կրթութեան և դէպի մարդկային հոգեկան վստահները տաժած յարգանքին, ոչ մի առիթ չէր վախճնում Քեոնիգսբերգի վիլլիսուֆային իր յարգանքն արտայայտելու: 1778 թ. երբ Հայէնում Պրուսիայի ժամանակի ամենանախնաւոր համալսարանում պրոֆեսորի տեղ բացուեց, մի քանի անգամ կրկնելով իւր հրաւէրը, աշխատում էր համոզել Կանտին, որ բաւանիւնին պատկառելի մի բռնիկով (800 տալ.) և աստիճանով ընդունէ այդ պաշտօնը. սակայն ոչ հրաւէրի այդ գրաւիչ կողմերը՝ ոչ էլ նախարարի նրա վրայ դրած պարտականութիւնը—չհրաժարուել գործունէութեան այդ աւելի լայն ասպարիզից՝ չկարողացան Կանտին անջատել իւր հայրենիքից, իրեն շրջապատող սովորական պարագաներից: Ամեն մի փոփոխութիւն, գրում է նա Հերցին. թէկուզ իմ ապագայի քարտեզման նկատմամբ սեռամեծ յոյսեր ներշնչող, այսուամենայնիւ իմ մէջ երկիւղ է յարուցանում: Ես հաշտութեամբ տալով եմ, որ բնութեան այդ բնագիւղ վրայ պէտք է շարունակել:

71 6692
1770



դարձնել՝ եթէ կամենում եմ երկարացնել այն թելը, որ ինձ համար հիւսել են հակառակ դիրքուհիները ¹⁾։ Նա զգում էր, որ իւր առաջ նոր փրկիսօփայութիւն յօրինելու մեծ խնդիրը կայ, որի ուրուագիծը պաշտօն ստանձնելիս, 1760 թ.-ի գիտական վիճարանութեան մէջ արդէն տուել էր։

1781 թ. վերջապէս լոյս տեսաւ «Ջուտ բանականութեան քննութիւն» նշանաւոր գրուածքը, որ Կանտի ամբողջ փրկիսօփայութեան կենդրոնն էր կազմում. անհրաժեշտ է անոր մի քիչ մօտից ծանօթանալ։

Գերմանիայի երկու փրկիսօփաներ Կոլնօ Ծիշեր և նորանից յետոյ Յայհինգեր իրաւամբ նկատում են, որ առհասարակ Կանտը առանձին հակումն է զգում փրկիսօփայական վէճերի ժամանակ միջամտել, որպէս հաշտարար դատաւոր։ Մենք տեսանք նորան այդ դերը ստանձնած «Ընդհանուր բնական պատմութիւն և երկնքի տեսութիւն...» գրուածքի յառաջարանում, և թէ ինչպէս յաջող տարաւ այդ դերը կրօնի և գիտութեան մէջ առաջացած թշնամութիւնը լուծելով իւր փրկիսօփայական նոր աշխարհայեցողութեան մէջ։ Նոյն այդ նպատակով է հանդէս գալիս այստեղ նա իւր քննական փրկիսօփայութեամբ. մնում է մեզ այժմ տեսնել թէ այս դէպքում, նա ինչպէս է տանում գործը։ Կոլնը այժմ բացիօնալիզմի և էմպերիզմի մէջն էր. ինչ յարաբերութեան մէջ այնտեղ կրօնն ու գիտութիւնն էին, նոյն յարաբերութեան մէջ են այստեղ բանականութիւնն ու փորձը, մէկը միւսի բացակայութիւն էր պահանջում։ Սակայն Կանտը իւր քննադատական փրկիսօփայութեամբ, կամ ընդհանուր բառով կրիտիցիզմով, ցոյց տուեց երկու մեթոդների նպատակայարմարութիւնն էլ՝միայն եթէ իւրաքանչիւրը կգործէր իւր սահմանում։

Մենդելսոնին գրած նամակում Կանտը ասում է, որ իւր այս աշխատութիւնը առնուազը 12 տարուայ մտածողութեան արդիւնք է, բայց գրել է 4—5 ամսում, թաուցիկ կերպով, մեծ ուշադրութիւն դարձնելով բովանդակութեան վրայ, բայց ոչ կրէք արտաքինի ու ընթերցողին. մատչելի անելու վրայ։ Ոչ մի զրուածքի մէջ ընթերցողն այնպիսի անուշադրութեան չի մատնուած, ինչպէս «Ջուտ բանականութեան քննութեան» մէջ. այդ է պատճառը, որ այնքան դժուար հասկանալի է, և շատերը սկսելով, կիսում յուսահատուել թողել են։

Կանտի կեանքի շարունակութեան պատմութիւնը նոյնանում է

¹ Ծանօթ. Յունաց դիցարանութեան մէջ երեք դիցուհիներ կային.— Կլոսոն մանուկ էր կեանքի քերչ, Լավիսզիսը, որոշում էր այդ քերչի նկարութիւնը, իսկ Աստուպիս կորում։

նորա գրուածքների ծագման և անոնց ժամանակակիցները վրայ գործած ազդեցութեան պատմութեան հետ: Ութսունական թուականները Կանախ դրական ամենաբուռն գործունէութեան շրջանն են կոչուում: Իննսունական թուականներին նորա ուժերը սպառու- են, սակայն նորա հռչակն ու ազդեցութիւնը սկսում են արագ տա- րածուել: Բոլոր գերմանական, ոչ միայն բողոքական, այլ և կաթոլիկ համալսարաններում ուսումնասիրւում է քննադատական փիլիսոփա- յութիւնը, որ և տիրող է հանդիսանում այնուհետև իւր մէջ ձուլե- լով ինչպէս տեսանք, նախկին երկու հակառակ ուղղութիւնները: Այս նոր ուղղութեան յարգողները դերմանական բոլոր մասերից ճանապարհորդում են հեռուոր արևելք (Քեօնիզսերբզ)՝ նոր վար- դապետութեան հիմնադրին սղջունելու: Այդ այցելուներից էր Յ. Գ. Ֆիլստէն: Գանխացի Բագեզէնը Կանախն երկրորդ մեսիա է անուա- նում: Ութսունական թուականներին Կանախ արդէն Քեօնիզսերբզի համալսարանում առաջին տեղն է բռնում և նա շնորհեց առաջին անգամ այդ համալսարանին երրօրական անունը:

Այժմ դառնանք Կանախի կեանքի արտաքին կողմին: Նորա սո-վորու- թիւններն ու կեանքի եղանակը խիստ պարզ էին և միանգամայն հիմ- նուած մարմնի ու հոգու տուող շապահական կանոնների վրայ: Թոյլ կազմուածքը, վաղ երիտասարդութիւնից սկսած, ստիպեց նորան խիստ պահեցողութեամբ (Diätetik) առաջնորդուիլ: Նա կարճահասակ էր և այնպիսի նեղ կրծքով, որ նորա թոքերի վրայ ուղղակի ճնշում էր գործ դնում: Ինչպէս լաւ մանկավարժ, հոգածութեան և զոռուցութեան միջո- ցով նա այնպէս տարաւ իւր առողջութիւնը, որ մարմնական կեանքը մինչև ամենապատկառելի հասակն անգամ՝ արգելք չըհանդիսացաւ հոգևոր կեանքին: Նա սկզբունքով, կամ դէտիլ իգական քեռը տածած ատելութիւնից չէր, որ շամուսնոցաւ ընդհակառակը նա յարգանքով էր խօսում (մանաւանդ Վիտտուլութիւններ գեղեցկի և վսեմի զգաց- մունքների վերաբերեալ) հեղինակութեան մէջ «տանախիկնոջ» (Frauen- zimmer) մասին և նկարագրում է նորա բնաւորութեան գրաւիչ կող- մերը ֆրանսիական վայելչադիտութեամբ (галантность), ինչպէս պահանջում էր ժամանակի ոգին: Ասում են, որ երկու անգամ պատ- րաստուել է առաջարկութիւն անելու, բայց չսփաղանց երկար տա- տանուելով, պատեհ ժամը փախցրել է. սակայն սորա պատճառն էլ այն կարող է լինել, որ նա չէր կամենում, արդէն հասակն առած՝ ընտանեկան կեանքի պարտականութիւններով ծանրաբեռնուելու: Նա չէր պատկանում այնուամենայնիւ այնպիսի տրտնջող միանձնական- ներին, ինչպէս որ օր. Շօլէնհաուէրն էր: Նա սիրում էր հասարակութիւնը և յայտնի էր իւր հեզահամբոյր վարուեցողու- թեամբ: Նոյնչափ ազատ էր զգում նա իրեն և բարձր հասարակու-

Թեան մէջ: Իւր ծանօթներէ շրջանը միմիայն համալսարանի մարդ-
 կանցից չէր կազմուի, այլ սիրում էր ծանօթանալ նաև զուտ աշ-
 խարհիկ մարդկանց հետ այն է՝ սասիճանաւորներէ, վաճառական-
 ներէ, գրավաճառուներէ հետ և այլն: Աւթառնական թուականներին
 նա մի տուն դնեց և իւր համար որոշ ընտանեկան նիստ ու կաց
 ստեղծեց ապրելով մի ծառայի և մի խոհարարուհու հետ: Ճաշին
 սիրում էր հիւրեր աւանանալ սովորաբար մէկ կամ երկու հոգի, կամ
 ամենաշատը 5 հոգի և հրաւիրում էր իւր երիտասարդ բարեկամ-
 ներից կամ աշակերտներէց: Օրուայ ժամերը խիստ որոշ կարգերի
 էին բաժանուած. առաւօտեան ժամը 5-ին նա զարթնում էր, մինչև
 դասախօսութիւնները՝ 7-8 շաշխատում էր և 9-10-ից մինչև կէսօր դար-
 ձեալ պարապում էր: Ճաշի ժամանակը, որ վերջին տարիները նորա
 կերակուր ընդունելու միակ ժամանակն էր, սիրում էր հաճելի գրու-
 ցով կրկու երեք ժամ ձղձգել, ապա մի ժամ գրօսնում էր, իսկ օր-
 ուայ մնացած մասը նուիրում էր ընթերցանութեան և խորհրդածու-
 թիւններէ և ժամը 10-ին պառկում էր քնելու: Այդպէս անցնում էր
 օրը օրի յետից: Միօրինակ այդ կանոնաւորութեան մէջ գրեթէ ոչ
 մի ընդհատում չէր պատահում: Լուսաւորութեան այդ դարում, կրք
 ամենքը աւելի դէպի աշխատանք էին հակուած, քան դէպի տօնա-
 կանութիւն, արձակուրդները շատ կարծառե էին: Ճանապարհորդու-
 թիւններ չէր անում և իւր կեանքի վերջին տասնամեակներում իւր
 հայրենի քաղաքի մօտակայ շրջակայքից դուրս չեկաւ: Նրա աշխարհի
 մասին ունեցած անմիջական ծանօթութեան շրջանը շատ սահմանա-
 փակ էր: Ճիզղեացիան աշխարհագրութեան առաջին պրոֆեսորը իւր
 աչքով երբէք չեւնոտ կրկիրներ չէր տեսել և կասկածելի է, արդեօք
 տեսել էր նա ծովը, որ Քեօնիդսբերգից միայն մի քանի ժամուայ
 հեռաւորութեան վրայ էր գտնուում:

Նորա այս անմիջական ծանօթութիւններէ պակասը պէտք է
 լրացնէր ընթերցանութիւնը: Նորա համար, որպէս այն ժամանակի
 իսկական գիտնականի համար, աշխարհը զբքերն էին. սակայն նոցա
 ոչ թէ վերացական, այլ կօնկրէտ բովանդակութիւնն էր սիրում
 Կանտը: Առանձնապէս գնահատում էր ճանապարհորդական նկարա-
 գրութիւններ և բնագիտական բովանդակութիւն ունեցող գրուած-
 քները: Նրա աշակերտ ու բարեկամ Կրաուզը պատմում է, որ Կանտը
 սիրում էր նաև գրական պարսպամուկներէ ժամանակ մի նոր դիւք
 դնել կողքին և ժամանակ առ ժամանակ նայել: Գեղեցիկ գրակա-
 նութիւնից ախորժակով կարդում էր գլխաւորապէս սրամիտ երգի-
 ժարանական գրուածքներ: Այսպէս օրինակ Գուարիեան, Սերվան-
 տես, Սիլիֆա, Լիխտենբերգ և Մօնտեն պատկանում էին նորաս
 սիրելի հեղինակների թուին: Նա սասափի հակակրանք էր զգում

դէպի սանտրոնետայիզմը, հետեապէս և դէպի բոլոր զգացկոտ վէ-
պերը, արտասուածհոգ ողբերգութիւնները և այլն

Նրա դէպի պետական ու քաղաքական կեանքն ունեցած վա-
րարերմունքն ընդհանրապէս ժամանակի հանգամանքներով է որոշ-
ւում. քաղաքական կարգերին և դէպքերին վերաբերւում էր սառն
ու անտարբեր Լինելով մեծ փիլիսոփայ և կոսմոպոլիտ, իբրև
հպտակ պետութեան պատկանելու, կամ պետութեան հետ ունե-
ցած ներքին առնչութեան առանձին ջերմ զգայմունք ցոյց չէր
տալիս. ըստ որում այս պետութիւնն էլ, միայն հպատակ էր ճա-
նաչում և ոչ քաղաքացի, ոչ սպասում էր աւելի ջերմ վերաբերմունքի,
ոչ էլ պահանջում: Պրուսական դահլի վրայ բազմած լուսաւորութեան
մեծ ներկայացուցչին (Ֆրիդրիխ Մեծ) ջերմ երախտագիտութեամբ էր
վերաբերւում, որովհետև սա մտածողութիւնը ազատ էր թողնում ար-
տաքին կաշկանգումներէ: Գնահատում էր նրան նաև այն բանի
համար, որ կառավարութեան մէջ օրինազանութեան սկզբունքն
էր մտցրել և ամեն կերպ պաշտպան էր հանդիսանում իրաւունքի
Սակայն մնացած կետերում հաւանօրէն կանտը չէր պատկանում
անպայման յարդողների թուին: Իւր զգուանքը դէպի պատերազմ,
դէպի «մարդկութեան այդ խտրազանը», շամեն մի բարիք խօրտա-
կողը», մանաւանդ դէպի այն պատերազմը, որ մղում է գուտ նահ-
մական (дипломатическiй) շահերից դրդւած, այնպէս յաճախ և բա-
ցարձակ կերպով է արսայայտում, որ անկարելի է ընդունել, որ նա
դրանով չէր դատապարտում նաև Ֆրիդրիխ Մեծի պատերազմները
կանտի մէջ հետքն անգամ չկայ այն բուն ոգևորութեան, որ
առաջայնում էին երիտասարդ Գէօթէի մէջ թշնամացած աշխարհի
դէմ պաշտպանող թագաւորի սխրագործութիւնները ձիշտ է, Ֆրանկ-
Ֆուրտի ընակչից (Գէօթէից) պատերազմը այնքան հեռու էր, որ կա-
րող էր նրա երևակայութիւնը գրդռել միայն, սակայն Պրու-
սիայում չափազանց կտրուկ կերպով դառն իրականութիւնն էր
զգացւում: Ֆրիդրիխի կառավարութեան ուսումնարանների և հա-
մալսարանների նկատմամբ ցոյց տուած ժլատութիւնը նմանապէս
բոլոր ուժերը պատերազմի համար լարելու արդիւնք էր: Կանտը
միանգամ չէ մշտացած մատնացոյց անում այն հանգամանքի վրայ,
որ պետութիւնը միայն պատերազմների համար միջոցներ ունի:
Գորա հետ մեր բուրժուա փիլիսոփայի հոգու մէջ խորը արմատացել
էր զգուռանքը դէպի ամբողջ պայտական կեանքը և պէտք է կն-
թողրել, որ այս ատելութիւնը աւելի զօրացաւ նորա մէջ թագաւորի
պայտական Ֆրանտիացի փիլիսոփաների հակադեցութեան ներքոյ:
Կասկած չկայ և այն բանի մէջ, որ կանտի քաղաքական համակրու-
թիւնը ոչ թէ տոհմական միապետական եղանակի կողմն էր, այլ

աւելի այն ժողովրդական պատուութեան, որի նմանը հէնց նոր Հիւսիսային Ամերիկայում էր երևան եկել և ըստ երևոյթիւն պէտք է հաստատուէր նաև Ֆրանսիայում յեղափոխութեան սկզբին: Իւր ժամանակի այս երկու քաղաքական շարժումներին Կանար ջերմ հետաքրքրութիւն էր ցոյց տալիս: Դեռ 1798 թ. երբ գերմանիայում դէպի Ֆրանսիական յեղափոխութիւնն ունեցած արտակարգ ոգևորութիւնը բաւականին սպառուել էր, Կանար խօսում է որպէս մեծամեծ յոյսեր խոստացող պատմական յեղաշրջական մի կետի մասին, չնայելով որ վճռական կերպով դատաւարտել էր Ֆրանսիացիներին իւրեանց թագաւորին զխատելու համար: Նա գտնում է, որ պատուութիւնների հասրակապիտացումն ինչպէտք է անէ յաւիտենական խաղաղութեան սերմը:

Կանտի վերաբերմունքը դէպի եկեղեցին նմանապէս պէտք է ասել, որ անձնական չէր, այլ աւելի դատողութեան վրայ էր հիմնուած: Նա հասկանում էր եկեղեցւոյ պատմական նշանակութիւնը և անոր աջակցութիւնը ժողովրդի կարգադաճման և բարոյականացման գործում. սակայն ինքը անձամբ եկեղեցու կարիք չէր զդուս և աստուածաշնորհութեան չէր մասնակցում: Բայց այս մի ուէակցիա էր բարեպաշտական վարժութիւնների չափազանցութեան դէմ, որի մէջ անց էին կացրել նորա մանկութիւնը. ամեն մի «երազողական» (МЕЧТАТЕЛЬНЫЙ) բարեպաշտութիւն նորան սատարի ընդդէմ էր: Դէպի իսկական քրիստոնէութիւնը նոյն ջերմ յարգանքի զգացումն էր տածում, ինչ որ և դէպի նորա հիմնադիրը, նորա մէջ տեսնելով բարոյականութեան կատարելատիպը: Դէպի Ս. գիրքը, որին վաղ մանկութիւնից լաւ ծանօթ էր, նմանապէս ակնածութեամբ է վերաբերուել միշտ: «Սուրբ գիրքը, որպէս ժողովրդի գիրք, ամենամեծ բարիքն է, որ երբ և իցէ մարդկութիւնը ստացել է: Եթէ գոյութիւն ունին հրաշքներ, ապա այս գիրքը հէնց ամենամեծ հրաշքն է, որի մէջ հրաշագործ պատմութիւնները ծառայում են լույ պատմական հաստատութիւն շնորհելու այն բաներին, որ կրօնը պահանջում է բանականութեան միջոցով. իսկապէս կրօնական վարդապետութեան այս համակարգութիւնը, որ կազմուել է անգէտներից՝ առանց յունական իմաստասիրութեան, շատ աւելի բարոյական ազդեցութիւն է ունեցել մարդկային սրտելի վրայ, քան ուրիշ որևէ համակարգութիւն»:

Իննսունական թուականները նորա համար բերին իրենց հետ առաջին և միակ կօնֆլիկտը (ընդհարում), որ արտաքուստ, ճիշտ է, արագ վախճան ստացաւ, սակայն ներքուստ խորը յուզեց Կանտին: Ֆրեդրիխի յաջորդը 1788 թ. Ցեզլիցի տեղ նշանակեց նախկին քարոզիչ կղերական և կղերամիտ Վէյլներին: Հէնց այդ ժամանակուանից

Պրուսիայում լուսաւորութեան դէմ սիստեմատիկ հալածանք է բաց-
ւում: Գրաքննութեան և հաւատաքննութեան միջոցով հրաժարեցնե-
լով և տուգանքի ենթարկելով, կղերաբար տրամադրուած Յրիդրիս
Վիլհելմ II ի կառավարութիւնը սկսեց արմատախիլ անել նախորդի
կառավարութեան ոգին: Այնպէս էր թւում, թէ պէտք է հատուցուի
այն բոլոր անարդանքների համար, որ հասել էին կղերականներին
և բարեպաշտօն մարդկանց: դահի վրայ բազմած ծաղրածուից: 1)

Կանաք, որի փիլիսոփայութիւնը չէր կորոզ այս կառավա-
րութեան հանկի լինել, մանաւանդ որ նա չէր թագցնում իւր վե-
րարերմունքը դէպի ժամանակի ամբողջ քաղաքական աշխարհը
յուզող դէպքերը, ընդհարուեցաւ այս կառավարութեան հետ շնոր-
հիւ իւր «Կրօնք զուս բանականութեան սահմանում» գրուածքի:
Կանաք ցանկանում էր տպագրել այդ Բիստերի Berliner Mona-
tschrift-ի մէջ մաս մաս, բայց հէնց երկրորդ մասն արդէն ար-
գելուեցաւ գրաքննիչից: Այն ժամանակ նա իւր գրուածքը
յանձնեց Սնայի փիլիսոփայական ֆակուլտետի քննութեան և տը-
պագրեց առանձին գրքով: Մի տարի յետոյ 1791 թ. Հոկտեմբերի
1-ին ստացաւ կայսերական հրովարտակ հետեւեալ բովանդակու-
թեամբ. «Մեր բարձր անձնաւորութիւնը մեծ տհաճութեամբ նկա-
տում է, որ դուք ձեր փիլիսոփայութիւնը դործադրում էք ս. Գրքի
և քրիստոնէութեան մի քանի գլխաւոր և հիմնական վարդապե-
տութիւններն աղաւաղելու և ստորացնելու համար: Մենք ձեզնից
անյատաղ բարեխիղճ հաշիւ ենք պահանջում և յուսով ենք, որ
այլ ևս այդպիսի զանցառութիւններ չէք դործի: Ձեր սլարտականու-
թեան աւելի շուտ համապատասխանում է գործադրել ձեր ազդե-
ցութիւնն ու քանքարները յօգուտ Մեր՝ այս նրկրի նկատմամբ ու-
նեցած հայրական դիտաւորութիւնների իրադործման: Հակառակ
դէպքում, այսինքն երբ դուք շարունակէք յամաւել, դորա անմի-
ջական հետևանքները ձեզ համար աննպաստ կարգադրութիւններ
կլինին»:

Կանաք այդ բանին սպասախանեց մի զեկուցագրով, որի մէջ
ամենից առաջ սրտատանուում է իր վրայ բարդած մաղադրանք-
ներից և վճռական կերպով պնդում գիտնականի (տարբերելով
«ժողովրդական ուսուցչից») կրօնական հարցերի չըջանում ինքնու-
րոյն կործիքներ յօրինելու և արտայայտելու իրաւունքի վրայ: Սա-
կայն եզրակացութեան մէջ նա հրաժարուում է ապագայում այդ
իրաւունքից օգտուելուց: Որպէս զի ամենափոքրիկ կասկածից ան-
գամ խոյս տայ, ամենաապահով միջոց այս է համարում նա. «որպէս

1) Ճրիդրիս Մեծ.

Նորին Մեծութեան հաւատարիմ հպատակ՝ հանդիսաւոր կերպով
յատնել, որ այսուհետեւ ես կզգուշանամ միանգամաւն կրօնի վերա-
բերեալ կարծիքներս հրապարակօրէն արտայայտելուց թէ դասախօ-
սութիւնների և թէ հեղինակութիւնների մէջն:

Մի թերթիկի վրայ, որ մնացել է նորա մահուանից յետոյ
թղթերի մէջ, այդ հարցի վերաբերեալ հետեւեալ խորհրդածութիւնն
է գտնուած. «Հրաժարուել իւր ներքին համոզումից՝ ստոր վարմուճք
է. բայց այսպիսի դէպքերում լռել՝ այդ արդէն հպատակի պարտա-
կանութիւնն է: Այն բոլորը, ինչ մենք ասում ենք, պէտք է ճշմար-
տութիւն լինի. բայց դորանից չի հետևում, թէ ամեն ճշմարտութիւն
պարտաւոր ենք ստել հրապարակելու»:

Չի կարելի չխոստովանուել, որ լռելու պարտականութիւնը
այսուէս հանդիսաւոր կերպով իւր վրայ առնելու մէջ աւելի զգու-
շութիւն է երևում՝ քան անվեհերութիւն: Վերջի վերջոյ եօթա-
նասնամեայ ծերունին կարող էր հանգիստ սրտով սպասել այն բո-
լոր բաննայաստ կարգադրութիւններին, որ իրեն սպառնում էին,
որովհետեւ Բերլինում հազիւ թէ նորա գրուածքներն արգելելուց և
ռոճկի յաւելումներից զրկելուց այն կողմ անցնէին: Սակայն Վանտը
մարտիրոս չէր. բացի այդ նա կարող էր մխիթարուել, որիւր ասելիքը
տեսի է, այդ պատճառով էլ նա իւր բնաւորութեան համապատասխան
մի ելք ընդունեց—լռութիւն և խաղաղութիւն: Ճշմարիտ է այն,
որ եթէ նա եօթանասնամեայ Սոկրատի պէս համարձակ յայտնէր,
որ աշխարհի մէջ աւելի բարձր կոչում ունի, քան Պրուսիոյ թագաւորի
տուած պրոֆեսսուրան է, և որ նա չի կարող դաւաճանել իւր ճշմար-
տութիւնը ուսուցանելու, մոլորութեան և կեղծիքի դէմ մաքառելու
իւր կոչման, այն ժամանակ նորա կեանքի և գերմանական փիլիսո-
փայութեան ամեն մէկ էջը աւելի վեհ կլինէր, քան այժմ է:

Սակայն քննադատելով այդ դէպքը, չպէտք է աջաթող անել
այն հանդամա՛քքը, որ Վանտը վաղուց արդէն անց էր կացրել իւր
կեանքի և գործունէութեան ծաղկափթիթ շրջանը: Իեւ 1789 թ.
իւր նամակներում յաճախ դանգատուում է ուժերի սպառումից:
Նա արդէն նախ քան կայսերական հրովարտակ ստանալը, ինկատի
առնելով իւր հասակը, հրաժարուում էր մաքառելուց. 1793 թ. երբ
գրաւածաւ Շպիները առաջարկեց նրան իւր նախկին մի յօդուածը
(Idee zu einer allgemeinen Geschichte in Weltbürgerlicher Absicht)
ժամանակակից հանգամանքների համապատասխան յաւելումներով
հրատարակել, նա պատասխանեց մերժումով, աւարկելով իւր եօթա-
նասնամեայ հասակը: «Կեանքի այս պահուն, ասում է նա, ծերու-
նուն պէտք է խորհուրդ տալ non defensoribus istis tempus eget
և լաւ հաշուի առնել իւր ուժերի քանակը, որը ստիպում է միայն

հանդիստ և խաղաղութիւն վստիագելու Աւելի վաղ ասել էր նա. «Երբ այս աշխարհի զօրեղները արբած դրութեան մէջ են գտնուում, առաջացած լինի այդ վրուժիւնը վերին ներշնչութից, թէ ուրիշ պատճառներից, իւր կաշուց վտխեցող գաճաճին պէտք է խորհուրդ տալ վէճի չխառնուելու:

Այս խօսքերի մէջ շատ պարզորոշ և զուենդ կերպով նկարուած է Կանախ բնաւորութեան թուլութիւնը, որ քիչ վերև ուրիշ կերպ էր արտայայտուի, այն է—«մի բան որ չեմ մտածում, այդ երբէք չեմ արտայայտի, սակայն այդ չի նշանակում թէ այն բոլորը, որ մտածում եմ, վստահութիւն կունենամ արտայայտելու: Կանախ չի պատկանում այն բնաւորութիւններին, որոնք բուռն ձգտում են զգում կռուելու, մաքառելու, ինչպէս Լեսսինգը կամ Բազեդովը, Լուտերը կամ Բրուսօն: Սա մի համեստ գիտնական էր, որ իւր մտքերի ներքին զարգացման համար էր ապրում: Աղմուկն ու վէճը ստատիկ դժկամակութիւն էին պատճառում նորան և նա ատում էր նոյն իսկ գիտական պայքարը: Ինչ որ չէր կարող համակերպել իրեն՝ անոր ինքը պատրաստ էր զիջանելու: Այն երկչոտութիւնը, որով նա աչքի էր ընկնում իւր մանուկ հասակում, նորա մէջ որոշ չափով մնաց ընդ միշտ:

Սակայն նոյն ինքն Կանախը 1766 թ. Մենդելսոնին գրած, յաճախ յիշատակուող մի նամակում հետևեալ գիտողութիւնն է անում իւր բնաւորութեան մասին. «Թէկուզ ինչպիսի պակասութիւններ էլ լինին, որոնցից չի կարող խուսափել նոյնիսկ ամենատնկուն զճաշկանութեան տէր անձը, այնուամենայնիւ երբէք չեմ ընկնի յեղյիցուկ, արտաքին փայլի վրայ հիմնուած տրամադրութեան ներքոյ, այն էլ այժմ, երբ կեանքիս մեծ մասի ընթացքում սովորել եմ խոյս տալ այն բոլորից, ինչ որ սովորաբար փչացնում է բնաւորութիւնը: Այս խօսքերի մէջ ամբողջապէս արտայայտուած է Կանախ բնաւորութեան երկրորդ ամենահիմնական կողմը՝ կամքի ուժը: Բարեբախտաբար որքան թոյլ էր բնաւորութեամբ, կրկնապատիկ զօրեղ էր կամքով: Սա մի մարդ է, որ իւր կամքովն է դարձել այն՝ ինչ որ էր նա ամբողջ իւր կեանքը զեկավարում է որոշ հիմնական սկզբունքներով, որոնք վերաբերում են ինչպէս բարոյականին՝ այնպէս էլ առողջապահութեան, անտեսութեան: Կեանքի մէջ նա միանգամայն հակապատկերն էր Ռուսսօյի, որից նա գրաւուած էր, որպէս հեղինակից: Ռուսսօն կամպուրիկ կերպով իւր բնութեանն էր անձնատուր լինում, աչքի ընկնելով դէպի սանձարձակ ու չրջմովիկ կեանքն ունեցած սաստիկ հակումով: Սա մի բօշայական բնաւորութիւն էր, մինչդեռ Կանախ կարգ ու կանոն սիրող և այս վերջինս նորա մէջ նոյն իսկ բժականդրութեան էր հասնում: Կանախը ոչինչ չէր թողնում տրամա

դրութեան կամ պատահականութեան տնօրինութեան: Ռանականութիւնը նորա համար ամեն ինչ էր, մինչ բնութիւնը միմիայն բանականութեան գործունէութեան համար նիւթ մատակարարող (substrat): Կանաւը, ակնեբլե է, որ իրեն է օրինակ բերել իւր բարոյական փիլիսոփայութեան մէջ. կատարեալ մարդ նա է, ով բանական կամքի տէր է և գործում է հիմնական սկզբունքներով առաջնորդուելով: Գուցէ կարելի լինի ասել, որ Կանտի բարոյականութեան և առհասարակ պրոլետարացոց հասարակական կարգերի մէջ մի ներքին ցեղակցութիւն կայ. կեանքին որպէս ծառայութեան նայելը, ամեն բան կարգ ու կանոնի տակ ղեկու սէրը, դէպի մարդկային բնութիւնն ունեցած անվստահութիւնը—այս բոլորը պրոլետական ընդհանուր գծեր են:

Շատերը Կանտին Սոկրատի հետ են համեմատում: Այդ համեմատութեան մէջ ճշմարտութիւնը իւր արժանաւոր մասն ունի: Նոցա բնաւորութեան և մտածողութեան մէջ նմանութիւն կայ: Այս երկու անձնաւորութեանց էլ հիմնական գիծը արամադրութեան անկախութիւնն է. միանգամայն գործի մէջ խորասուզուած, զբաղուած իրենց կեանքի էական խնդրով՝ նոքա անտարբեր են դէպի արտաքին յաջողութիւնները: Նոցա մէջ իշխողը ներքին կոչման ձայնն է, իսկ ընդհակառակն արտաքին զիրքն ու ազդեցութիւնը: Նոցա համար ոչ մի նշանակութիւն չունի: Այդ վերաբերում է մինչեւ անգամ նոցա ունեցած գրական յաջողութիւններին: Սոկրատէսը այդպիսի յաջողութիւնների յետեւից չի ընկել, իսկ Կանտը 60 տարեկան էր արդէն, բայց իբրեւ հեղինակ ոչ մի ազդեցութիւն չունէր և ինչ որ էլ յետոյ ձեռք բերեց, այդ էլ առանց իւր կողմից առանձին մի ջանք գործ դնելու, ինչպէս անում են սովորաբար ուրիշները ընթերցողի արամադրութիւնը վստակելու համար զանազան միջոցներ գործ դնելով: Արդէն վերեն էլ յիշուեցաւ, որ չկայ մի գրուածք, որի մէջ ընթերցողը այնքան անուշադրութեան մատնուած լինի, ինչպէս այդ եղիլ է Կանտի «Ջուտ բանականութեան քննութեան» մէջ:

Նոյնչափ նման է նոցա մտածողութեան ձեւը և ուղղութիւնը: Այդ նմանութիւնը կայ նոցա՝ ինչպէս մի բան հաստատելու, այնպէս և բացասելու մէջ. երկուսին էլ յատուկ է մտքի իւր անսակի մի բացասող գիծ, որ նոքա ուղղում են առաւելապէս ճշում գիտնականների և մեծամիտ մտահայեցողութիւնների (speculation) դէմ և մի առանձին սիրով հեզնական ատն են ընդունում, երբ խօսքը պարծնկոտ իմաստուններին է վերաբերում. «Ոչ միայն Աթէնքի, այլ նաև գիտութեան շուկայում ինձ համար շատ անպէտք բաներ կան», ահա այն արամադրութիւնը, որով Սոկրատէսը երես էր շրջում Աթէնքի

ստիեստներն նորաձև գիտութիւններն և բնագէտների վաղանցուկ մտքերից Նա այդ մտքերին ծանօթանում էր այն չափով, ինչ չափ բաւական էր համարում համոզուելու, որ այդ մտքերը յիրաւի անօգուտ են գլխաւոր խնդրի նկատմամբ և չեն կարող մարդու արժանաւորութեան և բախտաւարութեան վրայ էական ներգործութիւն ունենալ։ Սովրատի նման Կանան էլ երիտասարդ հասակում սաստիկ դրաւում էր տիեզերաբանութիւնից ու մտաֆիզիկայից։ Ազա հետևեց նորա օրինակին, շուրջ մտահայեցողութիւնների նկատմամբ ստեղծեց բացասող փիլիսոփայութիւնը, այսինքն վարդապետեց բազմաթիւ կեղծ գիտութիւնների անօդատակարութեան և մեր իմացութեան սահմանների մասին։ Ամեն փայլփլուն և ակնհասճոյ բաներ գիտենալը և անոնցով հոգին հարստացնելը չեն կրտնքին իսկական արժէք տուողները, այլ հեղ առաքինութիւնները, որոնցով նոյն իսկ աննշան մարդը գերազանցում է իշխանազներին և գիտուններին։

Կանաը Սովրատից սպակաս չէ հեզնում այն մեծ մարդկանց, որոնք կարողանում են ամբոխի զարմանքն յարուցանել իրենց բարձր իմաստութեամբ։ Նա իւր հեզնութիւնը դարձնում է նմանապէս դէպի այն մեծ բնագանցագէտները, որոնք մտահայեցողութեան բարձր աշտարակների մէջ են բնակւում, որոնց շուրջը սաստիկ բամի է փշուճ, և նոցա անուանում է «գլխնականութեան կիկլոպներ», որոնք իրենց յետևից քարչ են տալիս գիտութեանց անշափ ծանրութիւնը, բայց դորձածել չեն կարողանում երբէք։ Նոցա «կիկլոպ» է դարձնում ոչ թէ իրենց ուժը, այլ միակնիւթութիւնը, որով որևէ խնդրի վրայ միշտ միակողմանի էին նայում։ Սովրատի հետ Կանան էլ մտածում է, որ իմաստութիւնը գիտութիւնից բարձր է, որ իմաստութիւն կարող են ունենալ նաև քիչ բան իմացող մարդիկ, իսկ առաջին անհրաժեշտ պայմանն այն է, որ ճանաչեն իրենց ջգիտութիւնը։ Կանաը փիլիսոփայի իսկական նպատակը մարդկանց մէջ իւրեանց տղիտութեան գիտակցութիւն զարթեցնելն է համարում։ Ծերութեան հասակում նա պատրաստ էր այդ յատկութեան մէջ տեսնելու նայն իսկ աստղաբաշխութեան արժէքը, որ երիտասարդ հասակում այնքան սիրում էր. «Աստղաբաշխների գիտողութիւններն և հաշւաւորութիւնները, ասում է նա «Ջուտ բանականութեան» քննութեան մէջ մի նշանաւոր տեղում, «չառ զարմանալի բաներ ցոյց տուին մեզ. բայց այդ բոլորի մէջ ամենակարևորն այն էր, որ մեր առաջ բաց արին մեր ջգիտութեան անգուճգը, որը մարդկային բանականութիւնը առանց այդ գիտելիքների երբէք չէր կարող այդպէս ահագին սլատկերացնել։ Այդ գիտելիքների մասին խորհրդածելը ահագին փոփոխութիւններ պիտի առաջացնէ մեր՝ բանականութեան գործադրութեան վերջնական նպատակների մասին տուած որոյման մէջ»։ Այս

X

Լ

Զ

Պ գիտական լացատրող փիլիսոփայութեան հակառակ կողմը երկու փիլիսոփաների մէջ էլ նոյն դրական համոզումներէից է կազմուած: Ինչպէս Սոկրատը սոփեստների սկեպտիցիզմի դէմ գրեց արամարանութիւնը սահմանումների ձևով, բարոյականութիւնը՝ որպէս բարու մասին խզի միջոցաւ ձեռք բերած գիտութիւն, կրօնն էլ հաւատի ձևով աստուածայինին համադրեց, այնպէս էլ Կանտը սկեպտիկիւմին հակադրում է իւր իմացաբանական ռացիոնալիզմը, ֆրանսիական փիլիսոփաների թեթևասլի սանձարձակութեան դէմ—նահապետական բարոյականութիւնն և բարձր անձանց ու պարստական անաստուածներին՝ առաջարկում է բանականութեան գործնական հաւատը:

Աւելացնենք մի քանի անկախ բնորոշ կողմեր էլ և ահա ծանօթացած կլինենք Կանտին, որպէս անձնաւորութեան, որպէս մտածող—փիլիսոփայ—հեղինակի:

Նորա վերջին գրուածքների շարադրելու արտաքին ձևը և ընդհանրապէս բնաւորութիւնը սխոլաստիկ է: Այդ մասին աւելի որոշ գաղափար կազմած կլինենք, եթէ համեմատենք նորան Ծօպէնհաուէրի հետ: Մինչդեռ Ծօպէնհաուէրը կանգ է առնում իրերի առաջ բանաստեղծի նման և ստիպում նոցա մերկացնել իւրեանց գաղտնիքները, Կանտը մերձենում է անոնց իւր մի տեսակ իշխանասէր բռնադատող դատողութեամբ և ահա կտեսնենք թէ որքան անտրամադիր էր նա իւր մտքերի որոշ հակառակ դրութեան հանդիպելու: Նորա բանականութեան այդ բռնադատող կողմը շատ պարզ արտայայտուած է ուրիշի մտքերի նկատմամբ ցոյց տուած անհանդուրժ վերաբերմունքի մէջ: Այդ ուրիշի մտքերը նա սլաքատ է իսկոյն իւր մտքերին համապատասխան ձևակերպելու և կամ բոլորովին մերժելու՝ երբ առաջինը աննայր է: Ասում են, որ մասնաւոր կեանքում նա մեծ դժկամութեամբ էր խօսում փիլիսոփայական հարցերի մասին, այն գիտակցութեամբ թէ ինքը ընդունակ է աւելի ուսուցանելու քան լսելու: Նոյն բնաւորութիւնն ունի և որպէս հեղինակ. նա չէ կարողանում ուրիշին լսել: Ամենաբազմակողմանի կերպով քննել, վերահասու լինել իւր մտքերին նա զրատբաստ է, բայց ոչ երբէք ուշադրութեամբ կարդալու և վերաբերուելու ուրիշի փիլիսոփայական գրուածներին:

Հին և նոր փիլիսոփայութեան մասին Կանտի ունեցած ծանօթութիւնը ամենևին թերի չէր և Կանտը յաջողութեամբ էլ օգտուում է այդ ծանօթութիւններից, սակայն կամ իւր գաղափարներին յարմարեցնելու նպատակով կամ եթէ այդ չի լինի՝ հակահռուկու: Նորա բնաւորութեան այդ կողմին անխտիր կերպով ենթարկուել են Լայբնիցը, և թէ Վօլֆը, Իւմը և թէ Բերկլին:

Չեն ազատուել նաև նորան հակահառող ժամանակակիցները—
 Ֆետտերն ու Էբերհարդը: Իզուր կլինէր Կանտից՝ նոցա յայտնած
 կասկածներին կամ հակահառութիւններին ուշադիր վերաբերմունք
 սպասել: Նա լսել և հասկանալ չէր կարող իրեն հակահառողներին.
 Նա նոցա մէջ իւր ասածների միմիայն հակասութիւնն էր տեսնում
 և կարուկ կերպով բարձրացնում էր իւր ձայնը, որպէսզի միանգամ
 էլ կրկնէ իւր ասածները որպէս միակ ճշմարտութիւն, և որովհետև
 չէր կարողանում հասկանալ, թէ ինչպէս կարող են իւր մտքերը համո-
 զիչ չլինել, ուստի հեշտութեամբ հակառակորդներին էր մեղադրում
 դիտաւորեալ անհասկացողութեան և իւր գաղափարները դիտմամբ
 արձատիրու համար: Այդ տեսակ նախատինքի արժանացել են նաև
 իւր աշակերտներից Բերկն ու Ֆիլստէն: Քանի դեռ նոքա բաւա-
 կանանում էին Կանտի փիլիսոփայական համակարգութիւնը վերլու-
 ծելով և իւրացնելով, միշտ նորա քաջալերութեանն էին արժանա-
 նում: Այդպէս էր անում նորա առաջին մեկնարան Շուլցը և Կանտն
 էլ սրան էր իրեն միակ հաւատարիմ անձն համարում. իսկ հէնց որ
 սկսում էին մի քիչ աղատ և ինքնուրոյն կերպով զարգացնել մտքերը,
 կամ նորից ձևակերպել, նա վճռականապէս նախտուում էր նոցա
 ասելով. «Ձ. Բ. Քենսութիւնը պէտք է բառացի հասկանալ և ոչ թէ
 անոր կարծեցեալ սգու վրայ հիմնուած»: Նոյն իսկ նա նոցանից երես
 դարձրեց անվստահութեամբ և հակակրութեամբ, որպէս կեղծ բա-
 րեկամներից և այդ բանը պարզորոշ կերպով արտայայտեց հրապա-
 րակով:

Այս բոլորի մէջ պարզ երևում են մտքերի մի տեսակ քարաց-
 ման նշաններ, որ ընդհանրապէս յատուկ է ծերութեան և որը սա-
 կայն Կանտի մէջ համեմատաբար շատ աւելի վաղ նկատելի եղաւ
 1790 թ. Հերցին դրած մի նամակում նա հետևեալ ձևով է արդարա-
 նում, որից երևում է, որ ծերութիւնը խանգարում էր նորան ուրիշ-
 ների մտքերից օգտուելու. «Սո ստիպուած եմ անձնատուր լինելու
 սեփական մտքերիս ընթացքին, որ տարիների ընթացքում իւր համար
 որոշ հուն (русло) է հարթելը. Կանտի այդ շրջանի հեղինակութիւնների
 մասին Ադելգէսը հետևեալ ձևով է խօսում. «Մտքերը հաստատուն
 կերպով բարդուել էին նորա ուղեղի մէջ, և նա բոլորովին մեքենայօ-
 րէն միմիայն քաղում էր այնտեղից առանց նոր գաղափարներ կամ
 իդէաներ ստեղծելու. Նա նման է նուազող ժամացոյցի, որը երբ
 լարւում է, սկսում է հարիւր անգամ նուազած եղանակները կրկին
 նուազելու: Կանտի մտածողութիւնը քարանայով՝ դադարել էր նաև
 թարմ տպաւորութիւններ ստանալուց: Մեծ եռանդով և հաստատու-
 մտութեամբ քննում, կշռադատում էր որոշ պրոբլեմներ, սակայն այդ
 բոլորը անում էր արդէն միանգամ դրուած, հաստատուած մեթոդ-

ներով, այս վերջին 25 տարուայ ընթացքում այլևս նոր մօտիւնները նրա վրայ ոչ մի ազդեցութիւն չէին անուձն:

Կառավարութեան հետ ունեցած վերոյիշեալ ընդհարումից յետոյ, 1796 թ. սաստիկ և անսպասելի հոգեկան ուժերի յանկարծական սպառում տեղի ունեցաւ: Կանաթ ստիպուած էր դադարեցնել դաստիարակութիւնները և աստիճանաբար ենթարկուեցաւ ծերախտի: Նա դեռ էլի նստած էր գրասեղանի առաջ իւր գրիչը շարժուած էր թղթի վրայ, միտքը անզօր և անապտոյզ կերպով թափառում էր, դուրս չգալով իւր նախկին շաղից:

Այդ վիճակի սկզբնական շրջանը Կանաթ նկարագրել է Գարվէին գրած իւր մի նամակում, որ չի կարելի կարդալ և չսուզուել: Գարվէն, որ տանջուած էր անբուժելի հիւանդութեամբ—երեսի քաղցկեզով, իւր մահուանից ոչ շատ առաջ նուիրեց Կանաթին իւր վերջին հեղինակութիւնը—«Բարոյագիտութեան ամենակարևոր սկզբունքների համառօտ ակնարկ» խորագրով և առանձին նամակով խնդրեց գրքի մասին կարծիքներ յայտնել: Կանաթ իսկոյն պատասխանեց 1798 թ. Սեպտեմբերի 21-ին. «Շտապում եմ յայտնել Ձեզ՝ Ձեր գրաւիչ և հոգեկազոյր գիրքն ու նամակը ստանալուս մասին: Ձեր մարմնական տանջանքների «րտանմիկ նկարագրութիւնը, միւս կողմից այն հոգեկան կորույթը, որով դուք դսպում էք այդ տանջանքները նախկին աշխուժութեամբ աշխարհի բարօրութեան համար աշխատելու՝ իմ մէջ ամենամեծ զարմանքն են յարուցանում: Զգիտեմ, ճշմարիտ, ինձ վիճակուած բախտը Ձեզ աւելի տխուր չի թուայ արդեօք. Ֆիզիքայէս բուսականին առողջ լինելով հանդերձ, ինձ թւում է, որ հոգու կաթուած եմ ստացել, Ես Տանտալուսի՝ 1) տանջանքներն եմ կրում, տեսնելով որ ամբողջ փիլիսոփայութեան վերաբերեալ հարցերը պէտք է մի վերջնական եզրացութեան բերուին ու լրացուին, իսկ ես այդ դեռ չեմ արել

1) Յունական մի առասպել է, որ Լիդիայի կամ Փոնտիայի Տանտալոս բագաւորը չափազանց սիրելի յիմելով լասուածների հայր Արամազդին՝ ասուածների խնջոյնէրիւ մասնակցելու մեծ շնորհիւն արժանացաւ, որով եւ հպարտացած սկսեց մի առանձին պարճեկասութեամբ ասուածային գաղտնիներ բուսւոյ մարդկանց առայ: Ասուածները զայրացած նորան դժոխս՝ ձգեցին յալիօնական ֆոյցի ու ծարաւի ենթարկելով: Պատուում է, որ այնտեղ նա դրուած էր միայն պարանոց մի շնակի մէջ, իսկ գիսի վերելը՝ անուշահամ պտուղներով ծամրարեռնուած մի ոսկեր կախած. հեկց որ կաննուում էր նաշակել պտուղի կամ ջրիցը խմել, իսկոյն քե ոսքը եւ քե ջուրը հեռանում էին:

թէսլէտ և գիտակցում եմ, որ կարելի է անել: Այնուամենայնիւ նամակը վերջացնում է յայտնելով այն յոյսը, թէ բուժերի այժման քայքայումը, որ սկսուել էր դրանից տարիուկէս առաջ, տեսական չի լինի: «Այն խնդիրը, որով ես այժմ զբաղուած եմ, վերաբերում է բնագիտութեան բնագոյնական սկզբնական հիմունքներից ֆիզիկային անցնելուն: Այդ խնդիրը պէտք է վճռուի, որովհետև հակառակ դէպքում քննական փիլիսոփայութեան համակարգութեան մէջ մի ճեղք մնացած կլինի: Իմ բանականութիւնը չի դադարում այդ լուծումը պահանջելուց և իմ մէջ կայ նմանապէս այդ լուծման հնարաւորութեան գիտակցութիւնը, սակայն այդ յետաձգում է կենսական ուժերիս և թէ ոչ միանգամայն սպառմամբ, դոնէ անոնց յաճախակի անկմամբ, և այդ իմ մէջ արտաստովոր անհամբերութիւն է առաջ բերում:»

1804 թ. յունուարի 30-ին (ն. տ. փետ. 12-ին) ծերութեան և միայնակութեան իրեն հասցրած տանջանքների բաժակը դատարկել էր արդէն, երբ գթասիրտ մահը տարաւ նրան: Վերջին խօսքն էր զլաւ է՜ 1), որով երախտագլխաբար հրոժարում էր ծառայութիւն ընդունելուց:

Կանտը ութսուն տարեկան էր որ մեռաւ. այս հանգամանքը շատ մեծ նշանակութիւն ունի նորա գիտական փիլիսոփայական գործունէութեան համար, այն տեսակէտից, որ հազիւ թէ կարելի լինի գտնել այլ օրինակ, երբ մի փիլիսոփայ այդքան ուշ հասած լինէր իւր մտքերը վերջնական ձևակերպութեան և միայն այդ պատկառելի հասակում հանդէս գար որպէս գորեղ մտածող և ազդեցիկ հեղինակ: Եթէ Կանտը մեռած լինէր Սպինոզայի, Գեկարտի, Լեսսինգի կամ Շիլլերի հասակում, հազիւ թէ յիշողութիւն պահպանուած լինէր այդ դէպքում նոյն իսկ նորա սնունդ մասին: Երկարատե կեանք ունենալու մէջ կարելի է միայն բախտի գթասրտութիւնը տեսնել, որ պահպանեց նրան և թոյլ տուեց սուլի ազրել, քան թոյլ կտար նորան այդ իւր կազմուածքը: Միւս կողմից էլ նորա գրուածքները բաւականին տուժել են շնորհիւ այդ հանգամանքի: Անոնք առաջ չեն եկել նրա ուժերի ծաղկած շրջանում կամ կեանքի թարմութեան միջոցին, ուստի աչքի են ընկնում չափից դուրս հասածութեամբ: Նախ քան քննադատական շրջանի գրուածքները գրական արժանաւորութիւնների տեսակէտից շատ աւելի բարձր են. այդ առանձնապէս կարելի է տեսլ վաթսուներկան թուականների հեղինակութիւնների համար:

Երկրաչարժի պէս ազդեց Կանտի փիլիսոփայութիւնը ժամանակա-


1) Es ist gut!

✓ կից և ընդհանրապէս ապագայ փիլիսոփայութեան վրայ, — ինչ որ մին
 այն ժամանակ հաստատ էր, այժմ սասանեց: Ոմանք աշխա
 տում էին թափթփած բեկորների վրայ նորից կանգնեցնել հին
 կամ հնի ճեղքուած պատերը նորոգել — իսկ ընդհակառակ
 ոմանք, աւելի մատաղ ու ժերը, — Ռէյնհօլդ, Յիխտէ և նոր փիլիսոփա
 ներից շատերը Վանտին հետևելով, միևնոյն ժամանակ իրենց ինք
 նուրոյնութիւնը շնորհալով, աշխատում էին նոր ոճով նոր շէնքեր
 կառուցանել: Շատ բնորոշ է և հետաքրքրական այդ տեսակէտի
 հին աշխարհայեցողութեան գիտաւոր պաշտպաններից մէկի՝ Ֆիտ
 տերի ինքնակենսագրութիւնը, որի մէջ նկարագրում է թէ ինչպէս
 նա մինչև վճռական ընդհանրացում է թէ ինչպէս
 որպէս հեղինակ և դասախօս, յանկարծ ոչ միայն իրեն թողնուած
 տեսաւ ամբողջ երիտասարդութիւնից, այլ և բաց է ի բաց իւր ըն
 կերների արհամարհանքին ենթարկուեցաւ այն պատճառով, որ
 համարձակուել էր հակաճառել Վանտին, չհասկանալով նորան, այն
 պէս որ Ֆիտտերը ստիպուած էր հոգեկան թարմ ուժերի շրջանում
 թողնել Գիթինգհնի համալսարանը:

Վանտը իւր կենդանութեան ժամանակ ականատես եղաւ այս
 յեղաշրջման, իսկ մեռնելով՝ իւր հետ տարաւ ամբողջ գերմանական
 ժողովրդի երախտագրիտութիւնն ու համակրութիւնը: Առանձնապէս
 պատուեցին նրան հայրենի քաղաքն ու համալսարանը: Գերմանական
 ոչ մի փիլիսոփայի մասին այնքան կենդանի յիշողութիւններ չեն
 պահուած, որքան Վանտի մասին: Մայր տաճարում նրա գերեզմանի
 վրայ շինուած Stoa Kantiana-ն Վորթնական բանականութեան քրն
 նութիւնից առած հետևեալ խօսքերն է կրում.

Աստեղագարդ երկինքը իմ զլխի վերև,
 Բարոյական օրէնքը իմ սրտի մէջ:

Եւ յիրաւի այս խօսքերի մէջ նշանադրուած են նորա մտածո
 ղութեան երկու բևեռները — Տիեզերքը՝ ամենակատարեալ զիտու
 թեան աւարկան, որ և նորա կրթասարդութեան սիրած աւարկան
 էր, բարոյական օրէնքը — վերջին և բարձրագոյն արժանաշուատու
 թեան աւարկան, որ նորա ծերութեան, հասակում գրեթէ միտի
 քական բուռն ոգեորութեան պրիւր էր:










[22]



A ² 66922

ԳԱՍ Հիմնարար Գիտ. Գրադ.



220066922